

顧亭林先生詩箋注

顧詩箋注序

崑山顧亭林先生揖讓百代卓立儒軌其詩沈鬱澹雅副貳史乘
近世流傳之本閒附注語據錢唐袁氏所言卽亭林自注也叔師
太沖已肇此例微之義山亦多引古當時西河輕肆詆詎詎知賢
者命翰必有祖述然先生特略舉其凡舍意未申率待尋涉百年
以來罕聞擁篲山陽徐先生嘉篤耆顧詩首刪茅蕪刺剗羣籍箸
爲長編甄策宛委之遺覓土昆明之劫羅縷條達綜其要會事在
左證語絕支蔓應璩百一撫諸家以定尊阮公詠懷守蓋闕以俟
哲若明季稗史國初舊聞比附牽合成具首尾尙論揚權宛得
心曲歲閱一周注積廿卷可謂亭林之功臣淮海之英傑已私論
注此詩者厥事不易時值代謝書更禁燬舞干銜木至隱菟辭采

徵軌桑相和楚調或致載籍號奪名字翳如自非博訪通人廣求

徵藏守已專輒眇能畢業今茲薈萃權衡體兼鈔撰李善每據圖

經元之備錄碑狀蒐輯之富裁汰之精足使北研再起抗手同心

烏程施國祁元道山詩注引金源別史文集略備 价人潛愧鑿空皮傳新氏吳詩集覽每多附會 雖有康琚不

審僕鑿闕釋既攬宏綱無累虧景昔曩書朱集精華王錄注者皆

鄉里之後生曩書亭詩注江浩然楊謙兩家皆嘉興人 或徒彥之胄子惠先生士奇為漁洋門人其子棟蓄精華錄訓

故宜構李父老近餉叢譚紅豆門庭遠接先輩此則寤寐音塵

鑽研傳記結芳蘭以崇佩被以光風賣油素以隨計證之汗簡孤

擁鳴琴獨嘯長阜持較數君孰為難易必有賞心能一歎耳詳欣

睹盛烈出其商略屬命點勘偶拾漏義飾膏益黛何預淑姿執盈

御沖降挹小善豈意一承寵光遵規元晏將非溫雪逆旅交越恆

端沈侯坐隅契通宿旨遂令務觀杜口慚詒鳳巢周續奉手奮拔
馬隊適彰宏美云爾如詳淺言固無關妙道也光緒庚子興化李
詳

顧亭林先生詩牋注序

墨學詩於代州馮魯川先生先生誨之曰詩不可苟作託興風月寄情山水於世道人心豪無補益者曾不若盲詞俚曲尙有裨風教也間以當代詩家優劣爲問先生曰牧齋梅邱之沈厚漁洋竹垞之博雅宋元以來亦所謂卓然大家者也然皆詩人之詩也若繼體風騷扶持名教言當時不容己之言作後世不可少之作當以顧亭林先生爲第一退而讀之苦其事其人不知者六七焉既得石洲張先生所撰年譜解大半矣其人有不知者考索數十年終屬寥寥於是此詩無注之歎矣及居山陽得交徐賓華先生先生工於詩所著味靜齋集於亭林詩近旣而知先生有顧詩牋注亟索草稿觀之快若起廢疾樂如針膏肓嗚呼注詩不易注顧

詩尤不易夫詩以言志作者之事也以意逆志其注家之事乎亭
林先生身負沈痛思大揭其親之志於天下奔走流離欲見諸事
功不可得數十年靡訴之衷幽隱之情無可發泄時於詩見之所
謂以歌當哭者也然當時所論之事多秘密忌諱所遇之人皆避
世逃名或有見諸記述者又因禁燬諸書多從散落故時代未遠
較注前代詩爲尤難先生注此詩閱時十餘載借書十數家而後
疏詳證博使閱者如見其人親其事而亭林之志得大顯於後世
竊謂亭林先生著述無不既精且博然乃先生之貽於人者也有人
欲知先生立志之堅操行之苦捨詩而外又何求焉余得預校字
之役謫陋何敢言序但以數十年固結凝滯於胷中者一旦氷釋
其樂有不容已於言者遂書之如右光緒戊戌盤屋路峒拜撰

國史儒林傳

顧炎武字甯人初名絳崑山人明贊善紹芳孫年十四爲諸生耿介絕俗不與人苟同惟與同里歸莊相善相傳有歸奇顧怪之目其論學以博學有恥爲先嘗與友人論學云百餘年來之爲學者往往言心言性而茫然不得其解也命與仁夫子所罕言性與天道子貢所未得聞性命之理著之易傳未嘗數以語人其答問士則曰行己有恥其爲學則曰好古敏求其與門弟子言但曰允執厥中四海困窮天祿永終其告哀公明善之功先之以博學顏子幾於聖人猶曰博我以文自曾子而下篤實莫若子夏言仁則曰博學而篤志切問而近思今之君子則不然聚賓客門人數十百人與之言心言性舍多學而識以求一貫之方置四海之困窮而

不言而講危微精一是必其道高於夫子而其弟子之賢於子貢也我弗敢知也孟子一書言心言性亦諄諄矣乃至萬章公孫丑陳代陳臻周霄彭更之所問與孟子之所答常在乎出處去就辭受取與之間是故性也命也天也夫子之所罕言而今之君子所恆言也出處去就辭受取與之辨孔子孟子之所恆言而今之君子之所罕言也愚所謂聖人之道者如之何曰博學於文曰行己有恥自一身以至於天下國家皆學之事也自子臣弟友以至出入往來辭受取與之間皆有恥之事也士而不先言恥則爲無本之人非好古多聞則爲空虛之學以無本之人而講空虛之學吾見其日從事於聖人而去之彌遠也又曰今之理學禪學也不取之五經論語而但資之語錄不知本矣其論文非有關於經旨世

務者皆謂之巧言不以措筆故炎武之學大抵主於斂華就實救
弊扶衰凡國家典制郡邑掌故天文儀象河漕兵農之屬莫不窮
究原委考正得失而又廣交賢豪長者虛懷商榷不自滿假作廢
師篤云學究天人確乎不拔吾不如王錫闡讀書爲己探賸洞微
吾不如楊雪臣獨精三禮卓然經師吾不如張爾岐蕭然物外自
得天機吾不如傅山堅苦力學無師而成吾不如李顓險阻備嘗
與時屈伸吾不如路安卿

張譜案本集所舉十人皆稱字此改稱名史例也而楊雪臣名瑀路安卿名澀農仍而不改何也

嘉案楊路國史無傳餘皆有傳

博聞強記羣書之府吾不如吳任臣文章爾雅宅心

和厚吾不如朱彝尊好學不倦篤於友朋吾不如王宏撰精心六
書信而好古吾不如張昭至於達而在位其可稱述者亦多有之
然非布衣之所得議也炎武生平精力絕人自少至老無一刻離

書 國朝稱學有根柢者以炎武爲最炎武撰天下郡國利病書一百二十卷歷覽諸史圖經實錄文編說部之類取其關於民生利病者且周流西北歷二十年其書始成別有肇域志一編則考索利病之餘合圖經而成者炎武精韻學撰音論三卷言古韻者自明陳第雖創闢榛蕪猶未邃密至炎武乃推尋經傳探討本原又詩本音十卷其書主第詩無協韻之說不與吳棫本音爭亦全不用補音之例但卽本經之韻互考且證以他書明古音原作是讀非有遷就故曰本音又易音三卷卽周易以求古音考證精確又唐韻正二十卷韻補正一卷古音表二卷皆能追復三代以來之音分部正帙而知其變自吳才老而下廓如也炎武又撰金石文字記求古錄與經史相證歐趙洪王不及其精而日知錄三十

卷尤爲炎武終身精詣之書蓋積三十餘年而後成凡經史吏治財賦典禮藝文之類皆疏通考證之炎武又以杜預左傳集解有闕失作杜解補正三卷其他著作有石經考二十一史年表歷代帝王宅京記亭林文集詩集營平二州地名記昌平山水記山東考古錄諸觚菰中隨筆救文格論等書並有補於學術世道初炎武嗣母王氏未嫁守節嘗斷指療姑於崇禎十年被旌及聞明亡不食卒誠炎武不出仕福王時崑山令楊永言薦炎武爲兵部司務旋以職方郎召皆未赴既葬母遂出游歷遭艱險所至之地以二騾二馬載書過邊塞亭障呼老卒詢曲折有與平日所聞不合卽於坊肆中發書對勘或平原大野則於鞍上默誦諸經注疏在華陰與王宏撰等於雲臺觀側建朱子祠康熙間詔舉博學

鴻儒科又脩明史大臣爭薦之並辭未赴康熙二十一年卒於華

陰年六十九

張蕭先生年七十卒於曲沃

無子門人以其喪歸葬崑山

葉先生其子衍生爲嗣

衍生侍先生歿與先生從弟巖扶柩歸葬

吳江潘耒敘其遺書行世

顧亭林先生詩譜

明萬曆四十一年癸丑五月二十八日先生生

顧氏系出吳郡五代之際徙滁州南宋時有名慶者自滁徙海

門之姚劉沙見先生顧氏譜系攷姚劉沙自注今崇明縣慶次子伯善又徙崑山遂為崑

山縣人世居縣之花蒲保名花蒲自注今太倉州六都後徙干墩

寬新合志干墩在城南三十六里泖川鄉徐譜先生家與徐健庵比鄰見倦園集舅母朱孺人壽序自慶而下十二世至明

正德閒曰廣東按察司僉事濠謂系攷濠字梁卿號小溼正德庚午舉人辛巳進士南京工科給事中廣東按

察司刑科給事中濟謂系攷濟字舟卿號思軒正德丙子舉人丁丑進士歷僉事刑科給事中

刑科生兵部侍郎章志謂系攷章志字子行號觀海嘉靖丙午舉人癸丑進士歷官行人司副行人司正刑部員外刑部郎

中江西饒州府知府湖廣廣西按察司副使貴州布政司參政貴州山東按察使南京光祿寺卿應天府尹南京兵部右侍郎贈都察院右都御史侍郎

生左贊善紹芳謂系攷紹芳字實甫號學海萬曆丙子舉人丁丑進士翰林院檢討經筵日講官左春坊左贊善及國子

生紹蒂

諸系攷紹蒂字德甫號齋源生員增例入園子監

贊善生官蔭生同應

諸系攷紹芳子二長曰同德生

員次曰同應字仲從廩生萬曆乙卯庚午副榜恩蔭入園子監張謙同應又字賓珩見德園集蘇州府志文苑

娶何氏

德園集先姑顧太夫人行

述曰母何夫人淹洽書史為文工師

同應之子五先生其仲也

張謙同應五子長相字遠家崇禎癸酉順天舉人

即先生次紆字子嚴次續字子叟次繼實字子武先生一女兄一女弟皆孀於徐女兄生履忱女弟生健庵兄弟又一女兄嫁陳皇士濟生元善稱健庵太夫人為先生第五妹又有仲姊適馬

紹蒂生同音早卒

軍謫同音字仲選官新台志謂其早

卒無子產頗饒

聘王氏未婚守節撫先生為嗣

徐謹貞孝之歸顧當在萬曆二十九年辛丑其年貞孝十

六歲軍謫員孝太僕寺卿字孫女諸生述女事載明史本傳及徐集先妣王碩人行略並詳詩注

先生初名絳更名繼紳

後仍名絳字忠清

張謙復社姓氏臯山第六人顧釋字忠清

乙酉後更名炎武

徐謹

劉超宗書作炎午

張謙山

字甯人學者稱亭林先生

雲籍華亭東南

東通志宋先生文亦作炎午

亭林湖其南有顧亭林陳廢野王營居此脩輿地志因以為名其地今為寶雲寺

雲籍宋嘉祐六年法雲寺重修大殿記第一行題云大宋秀州華亭縣顧亭林法

雲寺重修大殿記此顧亭林三字見石刻者

又嘗稱名曰圭年

元諸康熙中題吳縣李滄濟侍御詩署名曰圭年軍謫

孝廉程易暉瑤田云嘗見萬年少自跋所作秋江別思圖送先生亦或野蔣

山傭張謇江藩漢學師承記稟實有怨家欲陷之偽作商賈變姓名為蔣山傭又

詭亦或卑先生三歲患痘頗危及脫痂左目為眇至謝山神道表

中白而邊黑不言眇也吳諸係本六歲貞孝以大學授先生七歲就

塾元讀徐讀自知銘云愚幼九歲讀周易十歲蠡源公命先生讀古

兵家孫子吳子諸書及左傳國語國策史記三朝紀事關文歷天啟

十一歲授資治通鑑翁書自序先祖自炎武十一十二歲始習科舉

文字十四歲讀通鑑畢讀書詩春秋麻城周提學邦基取入本

學庠名繼紳入復社有名徐讀常熟王峻次山作先生傳年十四為諸生

山入社者十八人先生名在第六張謇稱志入復社有名案吳應實復社姓氏目錄前卷真

居詩詭甯人早年入復社與同邑歸莊齊名十六歲閱邸報竝及宋人

性理書

先生與潘次耕書云自庚申至戊辰邸報皆曾寓目戊辰崇禎元年先生年十六又三朝紀事綱文序先帝即位天下翕然以為中興更化之主無復向時危迫之意又嘗先帝頒孝經小學釐正文字之日臣乃獨好五經及宋人性理書而巨祖乃更誨之以為士當求實學凡天文地理兵農水土及一代

興革之故不可不熟究

十九歲元配太倉王孺人來歸二十七歲撰肇域

志

見自序又郡國利病書序云崇禎已卯秋闈被擯退而讀書

崇禎十七年甲申先生年三十二歲

是年十月朔為大清順治元年

大行哀詩一首感事詩六首

先生編年詩起是年

三月李自成陷京師十九日明莊烈帝崩於宮中萬壽山巾幘

局四月二十九日賊西走五月三日王師入京睿親王攝政

世祖章皇帝時甫七齡駐蹕盛京九月入關十月朔

御

極定鼎京師

完

四月初一日明鳳陽總督馬士英等迎立嗣福

王由崧於南都仍稱崇禎十七年以明年乙酉為宏光元年

吳

四月先生侍母遷居常熟之唐市十月歸干墩被劫十二月復

遷居常熟之語

涇軍護常昭台志語濂涇黃涇東北入九涇張禮雲樓刻帖先生手札云醉德無何忽云改歲兄今其脫然愈

乎弟則馬學士所云百憂熏心三冬少暇往日之舉犯而不校逆獸已無所用其
魚然今乃黑夜令人縱火焚佃屋所弟既蕩無一棟僕輩亦瞻烏靡集夫行強雖
武士之恒談火攻則兵家之下策况於臨池之畏實為扇鼓之謀包藏禍心日甚
一日公宮之火先告於寺人陵門之戟首誅乎元濟燎原之惡已盈自焚之禍行
及布諸左右憑楮愴然元恭仁兄足下弟絳頭首不知黑夜縱火即指干墩被劫事否時尙未更名炎武與葉方恆一案無涉

永言應詔列薦先生名於行朝詔用爲兵部司務

買

宏光元年乙酉先生年三十三歲

大清順治二年

京口卽事二首京闕篇一首金陵雜詩四首千里一首

吳璫各詩皆五月以

前秋山二首表哀詩一首奉先妣墓葬詩一首

完

五月初九日王師渡江初十日夜宏光帝出走十五日王

師入南都明亡

張

春膺楊永言之薦至京口

張四月偕從叔父穆庵赴南京

富新台志

穆庵名蘭服字國馨紹芳從子以諸生入太學才名著一時明亡後棄儒業永庵稱流南中遭投冠帶辭疾不起避跡田野以醫濟人死生餘集有從叔父穆庵府

君行

寓朝天宮因拜先兵部侍郎公祠

從軍至蘇州六月仍

歸語濂涇

閏六月十五日崑山士民閉城拒守

七月初六

日巳刻城破先生生母何太孀人被游騎斫右臂折弟子叟子

武竝殉子叟妻朱氏引刀自刺其喉僵臥瓦礫中得免 越九

日常熟城破貞孝於十四日聞變卽絕食至三十日乃終遺命

先生勿更出仕

皆張

唐王遙授先生兵部職方司主事

元九

月至嘉定過吳其沆家

十二月十九日權厝貞孝柩於司馬

瑩東偏

吳

是年作軍制論形勢論田功論錢法論

順治三年丙戌三十四歲

延平使至一首海上四首不去三首老鶴萬里心一首

三月唐王督師黃道周舉兵至徽州戰敗被執至南京死之

唐王將入贛州鄭芝龍使軍民留不得行乃駐延平

徐譜十月明

兩廣總督丁魁楚兵部侍郎瞿式耜等立桂王於肇慶以明年

爲永曆元年十一月王師下建甯延平等府唐王走汀州

執而殺之明大學士蘇觀生又立唐王弟聿錞於廣州改元紹

武十二月王師下廣州殺聿錞

徐譜

五月先生祖席母黃氏卒

吳譜作王氏

十二月十二日命家人趙和

等遷居

吳譜未詳遷居何地

將往閩中赴職方之詔以母喪未葬不果行

元譜作吳同初行狀

吳譜

四年丁亥三十五歲

贈顧推官一首大漢行義士行秦皇行各一首墟里一首塞下
曲一首海上行一首哭楊主事一首推官二子被執二首淄川
行一首哭顧推官一首哭陳太僕一首奉先妣葬於侍郎公墓
左一首墓後結廬三楹一首精衛一首吳興行一首

秋至海上 十月二十二日亥時葬貞孝王太安人於賜塋東

仲逢府君之北移家語濂涇先生廬墓

吳譜

送歸莊往吳興

吳譜

作王時沐墓志

吳譜

五年戊子三十六歲

越鳥巢南枝一首江介多悲風一首擬唐人五言八韻六首常
熟縣耿侯水利書一首偶來一首涪溪碑歌一首薛開封索一
首將遠行一首京口一首

秋至湖上冬抵京口語濼涇家又被劫

元譜

六年己丑三十七歲

石射棚山一首春半一首懷人一首秋鷹一首八尺一首桃花溪歌贈陳處士梅一首瞿公子元銷將往桂林不得達而歸一首

春登靈巖山 清明封墓樹 秋至吳江過八尺 納妾韓氏

元譜

七年庚寅三十八歲

顧龍山高皇帝題詞一首重至京口一首榜人曲二首流轉一首秀州一首

正月五日韓氏生子林元名之曰詒穀 怨家有欲陷先生者

顧詩箋注

譜

五

乃變衣冠偽作商賈游金壇登顧龍山 再至鎮江登北固樓

已復往嘉興

張謙

八年辛卯三十九歲

恭謁孝陵一首拜先曾王父木主於朝天宮後祠中一首贈萬舉人壽祺一首淮東一首贈人二首

至金陵初謁孝陵 拜侍郎公祠 八月十四日至淮安與山

陽王起田略徐州萬年少壽祺訂交

元謙抵清江浦

九年壬辰四十歲

同族兄存愉拜黃門公墓一首贈路舍人澤溥一首清江浦一首丈夫一首王家營一首傳聞一首

入郡城奠姊壻陳皇士之父文莊公祠 至吳縣之橫山拜遠

祖黃門公墓 遇路舍人於虎邱 自唐市仍返千墩 至

江浦渡河抵王家營 六月弟子嚴得子洪慎 從叔父

得子嚴 吳譜作從弟 國釋舉子嚴 僕陸恩叛投里豪葉方恆 案鈔書自序

年四十斐然欲有所作 爲常熟楊子彝作祠堂記 張譜

十年癸巳年四十一歲

路舍人家見隆武四年麻一首再謁孝陵一首恭謁高皇帝御

容一首贈朱監紀四輔一首監紀示游粵詩一首贈鄔處士繼

思一首昔有二首楊明府永言復來吳下一首送歸高士之淮

上一首贈劉教諭永錫一首贈郝將軍太極一首孝陵圖一首

十廟一首

三月魯王去監國號不知所終

春至金陵 二月再謁孝陵並謁太祖御容於靈谷寺 十月

三謁孝陵竝作圖 詒穀殤更納妾戴氏 先生去年歸洞庭

山過路舍人家由洞庭山至江甯復歸吳

徐譜

十一年甲午四十二歲

金山一首僑居神烈山下一首古隱士二首真州一首太平一

首蠓磯一首江上一首久畱燕子磯一首范文正公祠一首錢

生肅潤之父出示所輯方書一首

春至金陵居神烈山 由儀真歷太平登采石磯東抵蕪湖

秋游燕子磯畱宿僧院至冬始還

張譜

此數年未歸崑山

徐譜

十二年乙未四十三歲

元旦陵下作一首歸生晨陳生芳續書來答之一首贈路光祿

太平一首訓王生仍一首永夜一首訓陳生芳績一首贈路舍人一首贈錢行人邦寅一首

元旦四謁孝陵 春自金陵還崑山 二月初五日午刻江南

地震六月初八日地又震

吳譜作三月初五日

五月十三日擒叛奴陸恩

數其罪沈諸水叛黨復投葉氏訟之官移獄松江

張譜

十三年丙申四十四歲

松江別張處士懋王處士燁諸友人一首

恭謁孝陵一首王處士自松江來拜陵畢遂往蕪湖一首桃葉歌一首黃侍中祠一首王徵君濟具舟城西同楚二沙門小坐柵洪橋下一首攝山一首賈倉部必選說易一首旅中一首訓王處士九日見懷一首送張山人應鼎還江陰一首和陳生芳

續追痛兩尊人之作二首

春獄解還崑山 作方月斯詩序 三月本生母何太孺人卒

閏五月至鍾山舊居獄解後葉氏憾不釋遣刺客追及於金陵太平門外擊傷首遇救得免 初十日五謁孝陵 冬在鍾

山度歲

元諧

十四年丁酉四十五歲

元日一首萊州一首安平君祠一首不其山一首勞山歌一首
張饒州允掄山中彈琴一首淮北大雨一首濟南一首秋柳一
首訓徐處士元善一首

元旦六謁孝陵 自金陵仍返崑山避讎北游歸元恭爲文贈
行 至萊州與掖趙汝彥士完任子良唐臣定交從唐臣假吳

才老韻譜讀而校之 過卽墨游勞山 由青州至濟南與徐

東癡夜張稷若爾岐定交 作汝州知州錢君行狀勞山圖志

序儀禮鄭注句讀序齊四王冢記

張謙

十五年戊戌四十六歲

登岱一首謁夫子廟七十二弟子一首謁周公廟一首謁孟子

廟一首萬斛園小集一首仙隱祠二首濟南一首自笑一首訓

韭溪草堂聯句見懷一首濰縣二首衡王府一首督亢一首京

師一首薊州一首玉田道中一首永平一首謁夷齊廟一首

春至泰安登泰山 旋至兗州至曲阜謁孔林往鄒縣謁周公

廟孟廟過鄒平游張氏萬斛園與邑人馬宛斯驢訪碑郊外

抵章邱訪張隱君元明 至長山主劉隱君果庵 復至濟南

訪徐東癡 再赴濰縣 入都至薊州歷遵化玉田抵永平登

孤竹山謁夷齊廟

元譜

十六年己亥四十七歲

寄弟紆及友人江南三首 山海關一首 望夫石一首 昌黎一首
三屯營一首 恭謁十三陵一首 王太監墓一首 劉諫議祠一首
居庸關二首 重登靈巖一首 秋雨一首 與江南諸子別一首 天
津一首 舊滄州一首

出山海關返至永平之昌黎著營平二州史事六卷 至昌平
州初謁天壽山 出居庸關仍返山東抵鄒平訂縣志 延長
清訪碑靈巖山寺 南歸次揚州旋北至天津度歲 作曳梯

耶君祠記

元譜

十七年庚子四十八歲

再謁天壽山陵一首送王文學麗正歸新安一首答徐甥乾學
一首白下一首重謁孝陵一首贈林處士古度一首贈黃職方
師正一首

二月至昌平再謁天壽山入都 六月赴山東 秋南歸寓淮

上過六合作顧與治詩序 抵金陵七謁孝陵

張謙

十八年辛丑四十九歲

杭州二首禹陵一首宋六陵一首顏神山中見橋一首

同蘇至杭州渡江謁禹陵弔宋六陵 爲餘姚呂裁之章成作

呂氏千字文序 閏七月仍返山東 十二月立春日輯山東

考古錄成 是年爲明桂王永祿十五年七月緬酋殺由榔從

官十二月獻由榔於吳三桂軍明年四月殺於雲南

張詳

康熙元年壬寅五十歲

有事橫宮時聞緬國之報一首古北口一首五十初度時在昌
平一首北嶽廟一首井陘一首鴈一首堯廟一首

正月由山東入都 三月至昌平三謁天壽山十九日謁懷宗

橫宮有謁橫宮文 出古北口往薊州仍至昌平 五月二十

八日先生誕辰有致餽者作書辭之 至真定之新樂 抵曲

陽謁北嶽恆山 至井陘 十月至大同之渾源州 渡汾河

至平陽府 有郡國利病書序北嶽辨

張詳

二年癸卯五十一歲

元旦一首霍山一首女媧廟一首晉王府一首贈傅處士山一

首謝傅處士二首陸來復述代許曦草疏攻鄭鄆事一首詠史
一首李克用墓一首五臺山一首謝李處士因篤一首送申公
子涵光一首謝史庶常可程一首祭吳潘二節士一首寄節士
之弟来一首王官谷一首蒲州西門外鐵牛一首潼關一首華
山一首驪山行一首長安一首乾陵一首將去關中別中尉存
杠於慈恩寺塔下一首

正月自平陽登霍山 游女媧廟 至太原訪傅處士青主

至代州游五臺作五臺山記與富平李子因篤遇遂訂交 在

汾州旅舍祭吳潘二烈士 歷聞喜之裴村拜晉公祠作裴村

記 道蒲州入潼關游西嶽訪王山史宏撰於華陰 至西安

元 游富平館李子德家 又西至乾州 十月訪李處士中

孚於盤屋訂交 往驪山訪明宗室存杠存杠命子烈及甥王
太和受業 出關至太原 作復庵記貞烈堂記朱子斗詩序
爲音學五書著日知錄張譜

三年甲辰五十二歲

后土祠一首龍門一首自大同至西口四首有事於櫜宮一首
贈孫徵君一首

正月五日至蒲州之滎河游后土祠適汾州 自大同至西口
入都 七月至昌平四謁天壽山奠懷宗櫜宮有謁櫜宮文

至河南輝縣訪孫夏峯先生 返至泰安州度歲元譜

四年乙巳五十三歲

訓程工部先貞一首

由泰安至德州復回濟南置田舍於章邱大桑家莊 秋至曲
阜再謁孔林游闕里與顏脩來光敏訂交

張

五年丙午五十四歲

寄劉處士大來一首朱處士彙尊遇余於太原東郊一首屈山
人自關中至一首重過代州贈李處士二首出鴈門關二首應
州二首重至大同一首得伯常中尉書卻寄一首

春過兖州至廣平之曲周 游太原秀水朱錫鬯彙尊客晉藩
署過訪於東郊因與訂交 南海屈大鈞亦自關中來會 出

鴈門適應州 重過大同遇故代府中尉俊晰訪子德於代州
牧陳祺公上年署 與子德二十餘人知貴墾荒於鴈門北
入都復往山東游泰山謁天慶宮作記 十月著韻補正成

至兗州守署度歲

張譜

六年丁未五十五歲

淮上別王生略一首贈蕭文學企昭一首拜路文貞墓一首過
程工部一首過蘇祿國王墓一首

春留兗李劉澤遠署刪訂近儒名論甲集 南歸至山陽主王

起田

元譜

開雕音學五書於淮上張力臣昭父子任校寫之役

北行抵曲周拜路文貞公祠 入都從孫思仁借得春秋纂例

春秋權衡漢上易傳等書清苑陳祺公資之薪水傳寫以歸

東還主德州程工部正夫李刑部紫瀾家 作音學五書序程

正夫詩序 是年六月陳祺公重刻廣韻於淮上

張譜

七年戊申五十六歲

赴東六首李子德聞余在難特走燕中告急諸友人復馳至濟南省視於其行也作詩贈之一首

春在都寓慈仁寺聞萊州黃培詩獄卽星馳赴鞫三月下濟南府獄 六月十七日地連震自北而南聲如雷城垣文廟皆毀濟南兗州東昌等郡共五十九處沂州鄒城死傷尤甚 秋從子熊來省於濟南 十月獄解得釋暫寄徐玉老署得歸元恭

書

張譜

八年己酉五十七歲

樓桑廟一首有事於纘宮一首贈李貢士嘉一首邯鄲一首邢州一首自大名之保定子德已先一月西行一首潘節士之弟未遠來受學二首

春入都寓七聖庵旋往山東已復入都寓文昌閣 三月往昌
平五謁懷宗橫宮有文與李子德借 回都移寓徐公肅甥邸
舍 四月出都至順德歷邯鄲返章邱與謝長吉對簿案始結
赴大名歸逕保定 冬抵平原潘次耕來受學 十一月至
都主申叔旆又主謝方山重輝 執友王起田王思齡歿作王
起田墓志

吳譜

九年庚戌五十八歲

述古三首德州講易畢奉柬諸君一首挽殷公子岳二首

四月往德州程正夫李紫瀾延先生於家講易至九月初畢

入都九日與朱錫鬯及嘉定陸翼王元輔在北平孫氏研山齋
詳定所藏古碑刻 出都至曲周訪路安卿 歷河南至山西

復同山東度歲 是年初刻日知錄八卷

元譜

十年辛亥五十九歲

寄張文學弼時淮上有築隄之役一首雙鴈一首夏日二首秋風行一首靜樂一首寄王高士錫闈一首孟縣北藏山一首

從子洪善洪慎來省先生於都門 入都主原一甥 夏熊青

岳閣學欲薦先生佐脩明史力辭之 出都歷忻州之靜樂平

定州之孟縣至太原 爲太原守周計百令樹點定荀悅漢紀

十月交城令趙恆夫天羽邀與華亭陸集生慶臻上海蔡竹

濤湘剪燭賦詩

元譜

十一年壬子六十歲

讀李處士襄城紀事一首寄楊高士瑀一首齊祭器行一首題

顧詩箋注

譜

十三

李先生矩亭一首瓠一首土門旅宿一首

由山西至京主公肅甥從兄平庵徐履忱來省

吳譜

五月至濟南

八月入都

十月往德州

由河南至山西

與閻百詩若

璩相遇於太原

度歲靜樂

衷和敏德來學

元譜所載未詳其人

寓書

潘次耕擬撫吳江族子衍生爲嗣

洪善鄉試中式舉人

潘

次耕有先生六十壽紋

有與李武曾書言日知錄已刻成樣

本

張譜

十二年癸丑六十一歲

贈錢編脩秉鐙一首先妣忌日一首自章邱回至德州則程工

部逝已三日矣一首有歎一首哭歸高士四首

正月由靜樂南歸至揚州

入都主公肅甥

四月至德州訂

州志 返章邱桑家莊 八月游濟南寓通志局 十月自

邱至德州哭程工部又聞從叔父穆庵及歸元恭訃設祭於桑

家莊 入都得滇南報 寄潘次耕書令族子衍生北上 在

京度歲 作從叔父穆庵府君行狀

張譜

十三年甲寅六十二歲

廣昌道中二首寄問傅處士土堂山中一首與胡處士庭訪北

齊碑一首詠史二首路光祿書來敘江東同好諸友一時徂謝

一首過矩亭一首潘次耕南歸寄示一首子房一首刈禾長白

山下一首歲暮二首

正月出京由易州往汾州 四月至德州回濟南 度歲於桑

家莊

吳譜

十四年乙卯六十三歲

兄子洪善北來言及近年吳中有開淞江之役一首閩五月十日二首過張貢士爾岐一首送程工部葬一首寄路舍人一首孫徵君葬於夏峯時橋寓太原不獲執紼一首

從子洪善來省於章邱 赴濟陽訪張稷若 德州送程工部葬 八月自山東歷河南抵山西之祁縣主戴楓仲廷枻楓仲爲築室祁之南山先生因置書堂 十月六日張帝臣某及張

又南雲翼過訪 納妾於靜樂 撰陳鼎和墓志

張譜

十五年丙辰六十四歲

漢三君詩三首楚僧元瑛談湖南三十年來事作四絕句四首簷下雀一首薊門送子德歸關中一首寄李生符一首

正月自山西之山東 二月入都主原一甥三月回山東五月

入都誕日原一具酒稱祝 秋至薊州仍入都 十一月二十

四日先生第五妹徐太夫人訃到設奠 命撫子衍生北上竝

寓書湖州沈允斌三曾沈度汪涵昆季附其家眷舟至京 洪

善成進士改中書 洪慎得子命名世樞字曰榮緒後更名宏

佐字復呂立爲詒穀後 元詩 在京度歲 作日知錄自序與戴

耘野書 與黃太冲書 張譜

十六年丁巳六十五歲

有事於櫓宮一首贈賈太監宗一首陵下人言上年冬祭時有

聲自寶城出一首郭林宗墓一首介休一首介之推祠一首霍

北道中懷關中諸君一首河上一首雨中至華下宿玉山史家

一首過李子德四首阜帽一首采芝一首寄李生雲霄一首

正月與楞原一彥和公肅話別於天甯寺 二月至昌平六謁

天壽山及懷宗櫓宮與王山史借 四月出都十三日至德州

見撫子衍生及其師李旣足雲霽於張簡可家 訪李霖瞻浹

李星來源 二十一日至鄭家口二十四日抵曲周主路安鄉

祀先於旅寓 五月七日移寓曲周之增福廟 往山西道汾

州之介休霍州之靈石 九月入陝主王山史 訪李中孚於

富平東南軍營之北元李元子德來迎因過所居月明山下登堂

拜母前十一月游太華重訪山史於華陰 從子洪慎舉次子

先生名之曰世棠字曰思召 嫁妾於李又泉 回太原祁縣

度歲 有答曾庭聞書作華陰王氏宗祠記

張

十七年戊午六十六歲

春雨一首寄同時二三處士被薦者一首并中心史歌一首夏
日一首梓潼篇一首和王山史燕中對菊一首關中雜詩五首
過朝邑王處士建常一首

春由太原入關中富平令郭九芝傳芳迎先生於二十里外

閏三月遣子德家人至曲周接衍生及旣足會於富平李中孚
家 四月朔九芝邀先生至署寓南庵旋移寓朱公子樹滋齋
中 朝議以纂脩明史特開博學宏詞科同邑葉訥庵閣學長
洲韓慕廬侍講欲薦先生知志不可屈乃已於是先生絕迹不
至都中 冬張又南廷尉承父命來聘往蘭州堅辭之潼商道
胡狷庵戴仁來訪欲聘至署亦辭不往 過同州之華陰達華

州止吏目王二華爾謙署 答潘次耕書與李湘北書與李星
來書答李紫瀾書與友人辭往教書答李子德書與友人書
十八年己未六十七歲

寄子巖一首寄次耕一首次耕書來言時貴有求觀余所著書
者一首雲臺觀一首西鷄路一首雒陽一首高山會善寺一首
少林寺一首嵩山一首測景臺一首卓太傅祠一首梁園一首
海上一首五嶽一首贈張力臣一首子德西歸省吾於汾州天
甯寺一首寄次耕三首歲暮西還時李生雲霑方讀鹽鐵論一
首

正月往延安抵同官縣拜寇公墓作墓志銘 攜衍生移寓華
山下山史所構齋 山史欲爲朱子建祠雲臺觀兼營書院以

居先生 三月出關作嵩少之游 四月至曲周旋由河南抵

汾州 長州毛錦銜今鳳來受業 奠王式吾及平陽王九如

十一月回華陰 十二月二十七日張又南廷尉夜半造訪

葉訥庵閣學充明史總裁欲招先生入史局力卻之 爲吳

江朱處士明德作廣宋遺民錄序書太虛山人象象譚後與潘

次耕書與公肅甥書與葉訥庵書與史館諸君書答湯荆峴書

與人書二十二

元譜

十九年庚申六十八歲

送康文學乃心歸邵陽一首友人來座中口占二絕二首送李

生雲霽南歸寄戴笠王錫闈二高士二首酬族子湄一首朱處

士鶴齡寄尚書埤傳一首哭李侍御灌溪先生模一首華下有

懷顯推官一首華陰古蹟二首悼亡五首冬至寓汾州之陽城
里中尉敏浮家祭畢而飲三首

元旦作一聯云六十年前二聖升遐之日三千里外孤忠未死
之人以明神宗光宗俱崩於萬曆庚申也 正月至富平二月

先生仲姊訃至聞二日設祭 三月山西鹺使曾奉山寅致餽

四月山史有諸母卒爲議服及葬祭之禮 五月送馬右賢

喪出關旣足坵之南歸 先生誕辰郭九芝將親來致祝力止

之 華陰令遲屏萬維城造訪因與謀建朱子祠堂遲欣然捐

資爲倡 十月攜衍生往汾州之陽城里訪前中尉朱敏浮

汾州守周西水于漆延入署 十一月元配王夫人卒於崑山

訃至次日出署十一日成服設祭逢七如常儀 度歲於王位

冲德元中翰家

皆元

原一以贊善充明史館總裁

作音學五

書後序答王山史書二答王仲復書與友人辭祝書復張又南

書與毛錦銜書與公肅甥書二與王虹友書

張

二十年辛酉六十九歲

寄題貞孝墓後四柿一首贈衛處士蒿一首訓李子德一首贈

毛錦銜一首

二月望去汾州往曲沃至解州運城 鹽運使黃景園斐來會

延入署 四月五日景園奉諱先生攜衍生入關至華陰訪山

史出景園之餽落成朱子祠堂有上梁文 七月既足自南來

八月二日自華陰至山西曲沃縣令熊耐徒僕聞先生至命

輿至候馬驛迎入城寓元帝廟 十一日患歐瀉九月移寓上

坡韓氏鏡家十月又移寓下坡韓村韓旬公宣之宜園望後病
稍減有病起與薊門當事書 為衍生議婚靳氏 皆元

二十一年壬戌七十歲

正月四日旬公設宴會賓友八日先生早起將笞賀熊令上馬
失足墜地疾作竟日夜歐瀉不止初九日丑刻捐館韓旬公宣
熊耐徒僕仇振先昌祚衛匪莪蒿徐嘉霖郭名未詳為經紀棺斂
並與邑人秦氏室停柩其中三月先生從弟巖自崑山來偕衍
生扶柩歸葬於司馬賜塋東偏嗣父仲達府君之昭位門人潘
耒為之表 皆元

道光二十一年辛丑奉 旨准入祀崑山鄉賢祠 先生著書之

可攷者日知錄三十二卷 衍生云潘稼堂先生攜至閩同汪晦庵甫以
先生刻四庫全書收入子部雜家類 補

四卷古音表三卷易音三卷詩本音十卷唐韻正二十卷音論

三卷統名音學五書

播未詩序音學五書刻於淮浦張力臣家力臣亡其子以板質於人不可復問 四庫書收入經部小學類

五經同異三卷

有常熟蔣氏刻本

左傳杜解補正三卷

衍生云張又南先生刻 四庫書收

大經部春秋類

九經誤字一卷

四庫書收入經部五經總義類

石經攷一卷求古錄一卷

金石文字記六卷

四庫書皆收入史部目錄類

韻補正一卷

四庫書收入經部小學類

昌平山

水記二卷文集六卷詩集五卷

衍生云以上七種播

譙觚十事一

卷

四庫全書地理類存目

顧氏譜系攷

衍生云以上二種潘稼堂刻

二十一史年表十卷天

下郡國利病書一百卷

有四川龍氏聚珍版本 四

歷代宅京記二

十卷

四庫書目歷代下有帝王二字收入史部地理類

十九陵圖志六卷萬壽山攷一卷肇

域記一百卷

記一作志嚴杰云肇域志手稿今存仁和許周生王政家蠅頭小楷一筆不苟

岱嶽記八卷北平

古今記十卷營平二州史事六卷

四庫總目又有營平二州地名記一卷收入史部地理類

蒹錄

十五卷詩律蒙告一卷救文格論一卷蘇州府志又有雜錄一卷下學指南

一卷當務書六卷菰中隨筆三卷有曲阜孔氏刻本官田始末攷一卷

京東攷古錄一卷山東攷古錄一卷四庫全書地理類皆存目熹廟諒闇記一

卷聖朝記事一卷以上張譜先生勘定之書有西安府儒學碑目見先

生文集勘定家訓近儒名論甲集見先生手跋纂錄易解程朱各自為書見答汪若文書

纂錄南都時事近坊刻有聖安皇帝本紀二卷疑即此書見與蘇松野書點定荀悅漢紀見潛研堂重刻

漢紀區言五十卷治河事一帙見何義門菰中隨筆序備錄見江左十五子詩選注案徐昂

破關索詩注引皆徐譜更有經世篇十二卷四庫全書存目子部類書類唐宋韻補異同

一卷海道經一卷皆吳譜

凡例

一篇首列 國史儒林傳次詩譜仿杜韓諸集例先生年譜有四
生平事迹游蹤旅寓悉據崑山吳氏映奎平定張氏穆二譜大
興徐氏松上元車氏守謙二譜未見吳氏刻稱原譜張氏刻稱
元譜則先生撫子衍生所作當無舛謬注中或稱徐譜車譜者
仍吳張本不敢攘善

一先生之學主於斂華就實救做扶衰凡國家典制郡邑掌故天
文儀象河漕兵農之屬莫不窮究原委覈正得失且周流西北
垂三十年廣交耆儒遺老虛懷商榷於經史吏治財賦典制藝
文之類皆攷證疏通期有補於學術世道其爲詩也亦然詩集
五卷乃潘稼堂太史槩本原注甚略茲編載明分綴箋釋補注

者仿李善文選注例皆列句後

一先生身負沈痛思大揭其親之志於天下奔走流離撫時感事諸作實爲一代詩史踵美少陵注中於人物忠奸郡縣山川古蹟禮制食貨河渠兵戎禱祥之類謹据欽定明史及歷代史志不敢傳會穿鑿惟管窺蠡測繁簡或未免失宜

一五經論語家弦戶誦者用李善文選注例略引未全三傳周禮爾雅歷代正史略注惟明史及明季諸稗史有涉先生時事者不厭詳瀆用爲論世知人之助凡先生所著書注中但稱先生自來注詩家引用史傳或寥寥一二語略無端緒茲編特矯此弊叢摭繁微

一 是編草創於光緒壬午暨今十年寒暑靡輟草彙三易檢書四

百五十餘種學識皆陋猶有未詳數事如孝陵圖詩雷震樵夫
梁壓陵賊鄒平張公子萬斛圍王生麗正北嶽廟詩陽庚陸賈
士來復劉處士大來李貢士嘉楚僧元瑛獻陵貫太監宗彙發
於此敬質海內博雅諸家一字百朋曰深跂望

一潘氏初刊是詩中多闕文佗刻因之未闕原藁慮難補輯光緒
甲申鎮江書賈出眎舊本朱書補完每卷下方鈐梁清標印知
爲蕉林相國什藏喜亟購歸照錄靡闕後於陳太守仲英家觀
京師新刊本檢校哭顧推官咸正詩獨奉句奉作奮漢將隙句
漢作諸主帥句帥作謀大事句大作舉哭陳太僕子龍詩詔使
句將作陵吳興行詩傳檄句傳檄作指揮拜掃句掃作爵十八
陵作萬戶侯贈路舍人澤溥詩鑠金句白作息金山詩故侯句

張車騎作襄鄂姿沈吟句十餘年作橫槊餘不見句不見作天際忽聞句王旅作黃屋此刻皆從梁本以陳本分注惟路舍人家見隆武四年麻題從陳本

一注甫及半吾友高子上

延第

卽爲裨補闕漏彭城歸來孔印川

亦頗商略脫藁後黃蕙伯

海長

裴樾岑

蔭森

段笏林

朝端

顧持

白

雲臣

路山夫

恒

羅叔韞

振玉

陳惕庵

王樹

王錫之

範

邱于蕃

崧生

咸有糾正庚子歲興化李君審言

詳

介惕庵以詩一章索

觀藁本爲刊謬至五十條可鑿補者分註句下餘附後爲拾補復乞笏林校補至百十條其拾補爲一卷分注李補段補博物君子官賜廣益輔余孤陋實賴剞攻或鯁生續有見聞隨時附綴者不別加注並附刊焉

一嘉生長鄉隅未窺中祕又莫獲識當代通人客授徐州得桂履

真

中行

太守家藏書籍校讎既又假王蘭生

錫元

太守陳仲英

文駭

太守兩家書印證脫棄後復假王生壽護

錫祖

比部藏書

訂補數十條舛謬尙多深冀方家摘繩歧複

一 是注從吳江潘氏未棻本集外補詩四首和若士兄賦孔昭元奉諸子游黃歇山大風雨之作見吳譜古俠士歌見王士正感舊集吳張爾岐見張蒿庵集箋注增後

一 吳縣朱氏記榮所刻亭林軼詩十三首是篇成後獲見當時之所指陳潘氏刪之宜也且書已還紙艱於引證輟管悵惘遂從闕如

一 是集注竣釀飲付刊歷丙申丁酉凡十有九月歲事工資計近

六百千梓人給錢溢數版半盜質思陳牒求理性苦慈懦且不願以牘入官自咎疚心無識受誑贖則無力也庚子春復客瓢城李君審言既爲糾謬句容王君煦堂貞春慨助洋圓七十乃獲贖補成書惠而好我敢識弗諼

顧亭林先生詩箋注目錄

卷首 序 國史儒林傳 詩譜 凡例 目錄

卷一

大行哀詩

感事 六首

京口卽事 二首

京闕篇

金陵雜詩 五首

千里

秋山 二首

卷二

顧詩箋注

目錄

表哀詩

十二月十九日奉先妣墓葬

延平使至

海上

四首

不去

三首

賦得老鶴萬里心

贈顧推官成正

大漢行

義士行

秦皇行

墟里

塞下曲 二首

海上行

哭楊主事廷樞

推官二子執後欲爲之經營而未得也而二子死矣 二首

淄川行

卷三

哭顧推官成正

哭陳太僕子龍

十月二十日奉先妣葬於先曾祖兵部侍郎公墓之左

墓後結廬三楹作

精衛

吳興行贈歸高士祚明

賦得越鳥巢南枝

賦得江介多悲風

擬唐人五言八韻

六首

常熟縣耿侯橘水利書

偶來

浯溪碑歌

寄薛開封察

卷四

將遠行作

京口

二首

石射崩山

春半

懷人

賦得秋鷹

八尺

桃花溪歌贈陳處士梅

瞿公子立銷將往桂林不得達而歸贈之以詩

金壇縣南五里顧龍山上有高皇帝御題詞一闕

重至京口

榜人曲二首

流轉

秀州

恭謁孝陵

拜先曾王考木主於朝天宮後祠中

贈萬舉人壽祺

淮東

贈人二首

卷五

同族兄存愉拜黃門公墓

贈路舍人澤溥

清江浦

丈夫

王家營

傳聞二首

路舍人家見隆武四年厯

再謁孝陵

恭謁高皇帝御容於靈谷寺

贈朱監紀四輔

監紀示遊粵詩

贈鄔處士繼思

音有二首

贈楊明府永言

送歸高士之淮上

贈劉教諭永錫

贈郝將軍太極

卷六

孝陵圖

十廟

金山

僑居神烈山下

古隱士二首

眞州

太平

蟻磯

江上二首

久留燕子磯院中有感而作

范文正公祠

錢生肅潤之父出示所輯方書

元旦陵下作二首

常熟歸生展陳生芳績書來以詩答之

贈路光祿太平

酬王生仍

永夜

酬陳生芳績

贈路舍人

贈錢行人邦寅

松江別張處士懋王處士煒暨諸友人

閏五月十日恭謁孝陵

王處士自松江來拜陵畢遂往蕪湖

卷七

贈潘節士檉章

桃葉歌

黃侍中祠

王徵君潢具舟城西同楚二沙門小坐柵洪橋下

攝山

買倉部必選說易

旅中

謝王處士九日見懷之作

送張山人應鼎還江陰

和陳生芳續追痛之作

二首

元日

萊州

安平君祠

不其山

勞山歌

張饒州允掄山中彈琴

淮北大雨

濟南

二首

賦得秋柳

訓徐處士元善

卷八

登岱

謁夫子廟

七十二弟子

謁周公祠

謁孟子廟

鄒平張公子萬斛園賦得桔槔

張隱君元明園中仙隱祠

二首

濟南

自笑

訓歸戴王潘四子韭溪草堂聯句見懷

維縣二首

衡王府

督亢

京師作

薊州

玉田道中

永平

謁夷齊廟

卷九

寄弟紆及友人江南三首

山海關

望夫石

昌黎

三屯營

恭謁天壽山十三陵

王太監墓

劉諫議祠

居庸關二首

重登靈巖

秋雨

與江南諸子別

天津

舊滄洲

卷十

再謁天壽山陵

送王文學麗正歸新安

答徐甥乾學

白下

重謁孝陵

贈林處士古度

顧詩箋注

目錄

九

贈黃職方師正

杭州二首

禹陵

宋六陵

顏神山中見橘

三月十九日有事於橫宮

古北口

五十初度時在昌平

北嶽廟

井陘

一鴈

堯廟

卷十一

元旦

霍山

書女媧廟

晉王府

贈傅處士山

又訓傅處士次韻

二首

贈陸貢士來復

詠史

李克用墓

五臺山

訓李處士因篤

雨中送申公子涵光

訓史庶常可程

汾州祭吳潘二節士

寄潘節士之弟耒

王官谷

蒲州西門外鐵牛

卷十二

潼關

華山

驪山行

長安

乾陵

將去關中別中尉存枉於慈恩寺塔下

后土祠

龍門

自大同至西口

四首

孟秋朔旦有事于櫜宮

贈孫徵君奇逢

卷十三

訓程工部先貞

寄劉處士大來

朱處士彝尊過余於太原東郊贈之

屈山人大均自關中至

重過代州贈李子德在陳君上年署中

出鴈門關屈趙二生相送至此有賦

應州二首

重至大同

得伯常中尉書卻寄并示朱烈王太和二門人

淮上別王生略

贈蕭文學企昭

曲周拜路文貞公祠

德州過程工部

過蘇祿國王墓

赴東

六首

子德李子聞余在難特走燕中告急諸友人復馳至濟南省視于其行也作詩贈之

樓桑廟

三月十二日有事於橫宮同李處士因篤

贈李貢士嘉時年八十

邯鄲

卷十四

邢州

自大名至保定子德已先一月西行賦寄

亡友潘節士之弟未遠來受學兼有投詩答之

二首

述古

德州講易畢奉柬諸君

輓股公子岳

寄張文學昭時淮上有築隄之役

雙鴈

夏日

二首

秋風行

靜樂

大原寄王高士錫闡

孟縣北有藏山云是程嬰公孫杵臼藏趙孤處

讀李處士顯襄城紀事有贈

寄楊高士瑀

齊祭器行

題李先生矩亭

瓠

土門旅宿

燕中贈錢編修秉鐙

先妣忌日

哭程工部

有歎

二首

哭歸高士

卷十五

廣昌道中

一首

寄問傅處士土堂山中

與胡處士庭訪北齊碑

詠史

二首

路光祿書來敘江東同好一時相謝感歎成篇

過矩亭拜李先生墓下

潘生次耕南歸寄示

子房

刈禾長白山下

歲暮二首

兄子洪善北來言及近年吳中有開淞江之後書此示之

閏五月十日二首

過張貢士爾岐

送程工部葬

路舍人客居太湖東山三十年寄此代柬

孫徵君葬於夏峯倚寓太原不獲執紼適吳中有傳示同社
名氏者感觸之意遂見乎辭

漢三君詩三首

楚僧元瑛談湖南三十年來事作四絕句

賦得簷下雀

薊門送李子德歸關中

李生符自南中歸構李三年矣追維壯遊兼示舊作

二月十日有事于櫟宮

贈獻陵司香貫太監宗

陵下人言上年冬祭時有聲自寶城出至稜恩殿食頃止人皆異之

卷十六

過郭林宗墓

介休

介之推祠

霍北道中懷關西諸君

河上作

雨中至華下宿王山史家

過季子德

四首

阜帽

采芝

寄李生雲霑

春雨

寄二三處士被薦者

井中心史歌

夏日

梓潼篇贈李中孚

顧詩箋注

目錄

十四

和王山史燕中對菊詩

關中雜詩

五首

過朝邑王處士建常

寄子嚴

寄次耕

次耕書來言時貴有求觀余所著書者答示

雲臺觀尋希夷先生遺跡

硤石驛東有西鷗路至臨汝築垣封閉有題

卷十七

雒陽

三月十九日行次嵩山會善寺

少林寺

嵩山

測景臺

卓太傅祠

梁園

海上

五嶽

贈張力臣

子德自燕中西歸省我于汾州天甯寺

寄次耕

三首

歲暮西還時李生雲澹方讀幽鐵論

送康文學乃心歸邵陽

友人來坐中口占二絕

送李生南歸寄戴笠王錫闡二高士

訓族子湄

朱處士鶴齡寄尚書塚傳

哭李侍御灌溪先生模

華下有懷顧推官

華陰古蹟

二首

悼亡

五首

冬至寓汾州陽城里中尉敏浮家祭畢而飲有作

三首

寄題貞孝墓後四柿

贈衛處士嵩

訓李子德二十四韻

贈毛錦銜

坳集外詩

和若士兄賦孔昭元奉諸子游黃歇山大風雨之作

古俠士歌

二首

哭張爾岐

山陽顧雲臣蒼波彙校

顧亭林先生詩箋注卷一

山陽徐嘉運拜輯

大行哀詩

已下開達滄灘 案是歲崇禎十七年甲申 明史莊烈帝紀崇禎十七年三月乙巳賊犯京師京營兵潰丙午日晡外城陷是夕

皇后周氏崩丁未昧爽內城陷帝崩於萬歲山王承恩從死御書衣襟曰朕涼德貌躬上天行然皆諸臣誤朕朕死無面目見祖宗自去冠冕以髮覆面任賊分裂無傷百姓一人計六奇北略上登萬歲山之壽皇亭即煤山之紅閣也

自經於亭之海棠樹下陳濟生再生紀略謂在山之紅閣御元色銀邊白棉綢半臂先生明季實錄謂在大內兔耳山張

露笑謔皆作萬壽山中帽扇宜從明史

神器無中墜

老子天下神器不可為也 李善文選東京賦注神器帝位也 焦氏易

神符

英明乃嗣興

先生明季實錄弘光詔書曰惟我大行皇帝英明振古奮世範萬乃嗣興 紫蜺迎劍氣 原注

經紫蜺喬雲朋圍日會書張華傳斗牛之閒頗有 吳規華曰是何祥也煥曰寶劍之精上徹於天耳

丹日御輪升

宋書樂志祝朝 且曆華丹囉舊

唐書音樂志

景命殷王及

景命有僕春秋公羊傳兄終弟及 鍾進前攝兄死弟 及自太庚始案明史熹宗起遷詔以皇第五弟信王由

式勳職論

靈符代邸膺

雷植大魏籙大魏膺靈符史記文帝起太尉乃跪上天子 靈符代王謝曰至代邸而讓之明史莊烈帝紀天啟二年

帝位

頁行卷三

封信王六年十

天威實降鑿

善將天威明史莊烈帝起十一月甲子安置魏忠賢於鳳陽己巳魏忠賢縊死十二月魏良卿客

氏子侯國典俱伏誅元年正月戮忠賢及其黨崔呈秀戶六月削忠賢黨馮銓魏廣微

緒王寅許顯純伏誅二年正月定逆案自崔呈秀以下凡六等又元年五月燬三朝要

典祖武肅不承爵繩其祖武肅不承哉武王烈明史宦官傳太祖既定江右暨前

不得與文移往來文莊烈帝起十一月戊辰撤各邊鎮守內臣元年采聖昭王儉

正月辛巳詔內臣非奉命不得出禁門二月丁巳戒廷臣交結內侍

采史太宗紀漚化二年二月盡易宮殿盤杆象帝兢原注墨子堯舜禹湯文武

采繪以精靈左傳桓公二年昭其檢也

珠之盤孟後漢澤能回夏暘全充論衡盛夏暴行暑暘而死明史莊烈帝起十

三月贈卹究陷諸臣四年正月振延綏饑民七年二月振登萊饑獨通賦四月發帑振

陝西山西饑九年三月振南陽饑獨山西被災州縣新舊二餉五月免畿內五年以前

通賦十一月獨山東五年以前通賦十年三月振陝西災四月癸巳清刑獄十二年八

月免唐縣等四十州縣去年田租之半十三年閏正月振真定饑改子振京師饑癸卯

振山東饑三月戊戌振畿內饑免河北三府通賦七月發帑振被墜州縣八月振江北

饑十四年二月詔時事多艱痛自刻責停今歲行刑十五年正月免天下十二年以前

通賦十一月庚午發帑振開封宗室兵民十六年心似涉春冰雲若履虎尾涉

六月詔免直省殘破州縣三餉及一切常賦二烈帝起二年六月以久旱齋居文華殿詔羣臣修省三年四月同四年四月禱雨詔廷

臣條時政五月甲戌朔步禱雨於南郊八年十月下詔罪已避居武英殿減膳撤樂示

與士卒同甘苦十年十一月庚辰以星變修省求直言十一年八月以災異屢見齋居
永安宮十二年正月己未朔以時事多艱御廷巨賀十三年二月以久旱求直言三月
禱雨詔清刑獄十五年十一月下詔罪己
世值頽風運 桓溫薦譙元彥表足以鎮靜頽風季善注魏文帝命

已求直言十七年二月壬申下詔罪己
日風頽於百代矣明史流寇傳莊烈非亡國之君而當亡國之運
徒見其焦勞督亂子立於上十有七年宗社顛覆徒以身殉悲夫

有淫朋人無有比德明史魏忠賢傳當此之時內外大權一歸忠賢內豎自王體乾等
外又有李朝欽王朝輔等三十餘人為左右擁護外廷文臣則崔呈秀田吉吳瀆夫李

黨龍倪文煥主謀議號五虎武臣則田爾耕許顯純係雲鶴楊寰崔應元主殺戮號五
彪又吏部尙書周應秋太僕少卿曹欽程等號十狗又有十孩兒四十孫之號而為呈

秀門下者又不可數計自內閣六部至四方總督巡撫徧置死黨又海內爭望風獻辭
諸督撫大吏如閻鳴泰等爭頌功德立詞章奏無巨細輒頌忠賢宗室如楚王華燧中

書朱慎奎勳戚如豐城侯李永祚廷臣若尙書邵輔忠李養德曹思誠總督張我楨孫
國楨張瑄明郭允厚二十餘人仗詞累積不顧羞恥大學士黃立極施鳳來張瑞圖票

旨亦必曰朕與厥臣無敢名忠賢者又莊烈帝將定從逆案令以贊導擁戴頌美詔附
為目帝為詔書頒示天下又諸屢逆案者日夜圖報復其後溫體仁薛國觀輩相繼柄

政潛傾正人為翻逆案地帝亦厭廷臣黨比復委
中璫而逆案中阮大鍼等卒肆毒江左至於政亡

遂蒙眷注延儒體仁援以為助明比謀國又張至發傳至發代體仁一切守其所為而
才智機變遜之以位次居首代至發者孔貞運不敢有所建白代貞運者劉宇亮都城

戒嚴命閱親三大營及勇衛營軍士事皆苟且受奸臣周延儒傳延儒實庸劣無才略
且性貪常天下大亂延儒一無謀畫用侯恂范志完督師皆價事而門客盛順董廷獻

人**多比德朋** 無

且性貪常天下大亂延儒一無謀畫用侯恂范志完督師皆價事而門客盛順董廷獻

頽詩選注

卷二

皆因緣為奸利又信任文選郎吳昌時曹良直廖國遴輩竊私狼藉又奸臣溫陵仁傳
輔政數年未嘗建一策惟日與善類為仇其所引與同列者皆庸材苟且以充位且藉
形已長固上寵居位八年恩禮優渥無與比所中傷入廷臣不能盡知其推薦張至發
薛國觀之徒皆效法體仁蔽賢植黨國事日壞以至於亡又薛國觀傳為人苛刻陰險
不學少文體仁因其素仇東林密薦於帝國觀與楊嗣昌比國觀嗣昌最用專程國祥
委她其間召對無一言帝責國祥極默負委任蔡國用庸才碌碌無所見范復粹張四
知學淺才疏伴食中書貽譏海內姚明恭純照乘皆國觀引入閣庸碌充位而已陳演
工結納內侍延僑罷後帝最信任演臺省附延儒者盡趨演門當是時國勢緊閉中外
舉知其不支演無所籌畫而顯以賄聞魏藻德居位一無建白但倡護令百官捐助而
已演見帝遇之厚曲相比附李建泰家富於貲願出私財餉軍提師以西帝加建泰兵
部尚書賜尚方劍便宜從事行遣將禮御正陽門樓手金危親酌建泰者三即以賜之
出都聞曲沃已破家貲盡沒驚怛而病日行三十里士卒多道亡又王應熊等傳贊曰
天下治亂係於宰相自溫體仁導帝以刻深於是接踵一迹應熊剛愎至發險伎國觀
陰鷲一效體仁之所為而國家之元氣已索然殆盡矣至於演藻德之徒機智弗如而
庸庸益甚禍中於國旋及其身悲夫徐爾小曠紀年甲申二月帝下罪己詔曰任大臣
而不法用小臣而不諫言官首鼠而議不清武將驕儒而功不奏皆由朕撫馭失道蔽
威未孚中夜以思踏躬無地劫掠傷哲九 **馭將失饑鷹** 魏志陳登傳登見曹公言
四晉如鼯鼠貞腐食而畏人者鼯鼠也 **馭將失饑鷹** 待將軍譬如養虎當飽其
肉不飽則將噬人公曰不如刑言譬如養鷹饑則為用飽則颺去小隍紀年論江北分
四鎮曰養鷹之說饑則為用飽則颺去諸將未立功遠膺分土徒以長其傲慢不臣
之氣明史袁崇煥傳崇煥甫聞變即千里赴救自謂有功無罪然都人驟遭兵怨務紛
起謂崇煥擁兵縱敵朝士誣其引敵脅和帝頗聞之不能無惑會敵遣間謂崇煥密有

成約十二月朔再召對遂縛下詔獄三年八月磔於市天下冤之崇煥既縛祖大壽漢而去武經略滿桂以趣戰急與大清兵戰竟死崇煥死邊事益無人明亡徵決矣又左良玉傳良玉受平賊將軍印獲騎不肯受督師約束當獻忠之敗走也追且及其黨馬元利探重寶陷良玉曰獻忠存故公見重無獻忠即滅公不久矣良玉心動縱之去賊既入蜀之巴川人龍兵謀而西歸召良玉合擊九撤皆不至賊瀕死復縱之於亡國者以良玉素驕蹇不用命故也又附賈人龍于三年嗣昌至重慶三撤人龍會師不至人龍效良玉所為不奉約束嗣昌亦不能制十四年九月總督傅宗龍統人龍等軍出關次新蔡遇賊孟家莊將戰人龍先走宗龍遂殺十五年正月練督汪喬年出關擊賊人龍及鄭嘉棟牛成虎從至襄城遇賊復不戰走喬年亦沒帝大怒欲誅之處其為變姑奪職戮罪視事又劉宗周傳疏言文法日繁欺罔日甚朝廷日蹙邊防日壞且以孤鳳翼之滿職中樞也而俾之專征何以服王治之死以丁魁楚等之失事於邊也而責之戴罪何以服到策之死諸鎮勤王之師爭先入衛者幾人不聞以遲遲蒙詰責何以服耿却祀之死今且以二州八縣之生靈結一飽腹之局則廷臣之糞糞若若可幸無非者又何以謝韓爌張鳳翔李邦華之或成或去又請旌死事盧象昇而追戮誤國奸臣楊嗣昌遠跋扈悍將左良玉帝不能盡行又曰國家大計以法紀為主大帥跋扈援師退還奈何反姑息為此紛紛無益之舉耶帝曰目下烽火逼畿甸且國家敗壞已極當如何對曰武備必先練兵練兵必先選將選將必先擇賢督撫擇賢督撫必先吏兵二部得人

細柳年年急 儀書周勃傳亞
嘉宗紀天啟元年三月乙卯大清兵取瀋陽總兵官尤世功戰死總兵官陳策童仲
僕威金張名世諸將投遼戰於渾河皆敗沒王辰取遼陽經略袁應泰等死之丁卯京
師戒嚴二年正月丁巳大清兵取西平堡副將羅一貫死之鎮武營總兵官劉渠那
乘忠逆戰於平陽敗沒王化貞走閩陽參政高邦佐置松山死之乙丑京師戒嚴五年

正月癸亥。大清兵取旅順六年正月丁卯圍甯遠七年五月丙子圍錦州癸巳攻甯遠莊烈帝紀崇禎二年十月戊寅。大清兵入大安口十一月京師戒嚴乙丑山海關總兵官趙率敵戰沒於遵化甲申兵入遵化巡撫都御史王元雅推官何天球等死之丁亥總兵官滿柱入援戊子宜大保定兵相繼入援徵天下鎮撫官勤王辛丑。大清兵薄德勝門甲辰下兵部尚書王洽於獄十二月辛亥朔再召袁崇煥於平臺下錦衣衛獄乙卯孫承忠移駐山海關丁卯運中官趙滿柱出戰柱及總兵官孫祖壽俱戰歿三年正月。大清兵克永平副使鄭國昌知府張鳳奇等死之戊子克灤州兵部右侍郎劉之翰敗沒於遵化四年七月。大清兵圍祖大壽於大凌城六年五月河套都犯甯夏總兵官賀虎臣戰沒七月甲辰。大清兵取旅順總兵官黃龍死之七年七月壬辰入上方堡至宣府京師戒嚴庚辰。大清兵克保安沿邊諸城堡多不守閏月丁亥克萬全九衛九年七月癸丑詔諸鎮星馳入援已未。大清兵入昌平巡關御史王聲坤等死之入寶坻連下近畿州縣督師盧象昇入援十年四月戊寅。大清兵克皮島副總兵金日觀力戰死之九月辛巳入牆子嶺總督劉澤深死之十一月戊辰克高陽致仕大學士孫承忠死之十二月庚子盧象昇敗於鉅鹿死之十二年正月庚申。大清兵入濟南德王由樞被執布政使張秉文等死之凡深入二十里閏五月下畿南山東七十餘城十四年四月壬子攻錦州祖大壽拒守七月壬寅洪承疇援錦州駐師松山總兵官楊國柱敗死八月吳三桂王樸自松山遁諸軍夜潰十五年二月戊午。大清兵克松山洪承疇降巡撫都御史邱民仰總兵官曹變蛟王廷臣副總兵江翥饒勳等死之己卯祖大壽以錦州降十一月壬午。大清兵分道入塞京師戒嚴命勳臣分守九門徵諸鎮入援庚寅克薊州閏月壬寅南下畿南都邑多不守十二月趙青漢山東州縣相繼下十六年四月北歸戰於螺。大清兵分道入塞京師戒嚴命勳臣分守九門徵諸鎮入援庚寅克薊州閏月壬寅南下畿南都邑多不守十二月趙青山總兵官張登科和應薦敗沒入鎮兵皆潰。

崔苻歲歲增徒兵以改苻苻之盜

明史流賊李自成傳天啟末魏忠賢黨倚應中爲陝西巡撫朱童蒙爲延綏巡撫貪黷不詰盜盜由是始崇禎元年陝西大饑延綏缺餉固原兵劫州庫白水賊王二所谷賊王嘉允宜州賊王左掛飛山虎大紅狼等一時並起有安塞高迎祥者自成舅也與饑民王大梁聚眾應之迎祥自稱闖王二年春詔以楊鶴爲三邊總督捕之參政劉應遇擊斬王二王大梁參議洪承疇擊破王左掛會京師戒嚴山西巡撫耿如祀兵譁而西延綏總兵吳自勉甘肅巡撫梅之煥勤王兵亦潰與鞏盜合是時秦地所徵曰新餉曰均輸曰開菜其日增吏因緣爲奸民大困給事中劉懋謙裁驛站山陝游民仰驛精者無所得食俱從賊賊轉盛又有神一元不沾泥可天飛赫臨庵紅軍友點燈子李老柴混天猴獨行狼諸賊所在蜂起延安賊張獻忠亦聚眾據十八寨稱八大王孤山副將曹文詔破賊河曲王嘉允爲左右所殺其黨王自用號紫金梁者爲魁自用結羣賊老獬狗曹操八金剛射塌天掃地王閻正虎滿天星破甲錐那紅狼上天龍蝎子塊過天星混世王等及迎祥獻忠共三十六營聚山西自成乃與兄子過往從迎祥與獻忠等合號闖將五年賊分道四出連陷大窮隰澤諸州縣全晉震動六年春官軍共進力擊會總兵官曹文詔率陝西兵至借諸將猛如虎虎大威艾萬年頗希牧張應昌等合勦前後殺混世王滿天星姬關鎖翻山動掌世王顯道神等被自用獻忠老獬狗蝎子塊掃地王諸賊別賊復闖入西山大略順德真定開大名道唐象昇復力戰破賊文詔轉戰秦晉河北遇賊輒大克御史復劾其驕蹇調大同去賊遂詭辭乞降監軍太監楊進朝信之爲入奏七年賊自灑池渡河高迎祥最強及入河南自成與兄子過李牟俞彬白廣恩李雙喜顧若思高傑等自爲一軍及奇瑜兵至獻忠等奔商雒自成等陷於興安之車箱峽用君恩計賄奇瑜左右詐降甫渡棧卽大噪盡屠所過七州縣而略陽賊數萬亦來會賊勢愈張八年春大會於樂陽老獬狗革裏眼曹操左金王改世王射塌天橫天王混十萬過天星九條龍順天王及迎祥獻忠共十三家七十二營議拒敵

九年七月巡撫孫傳庭擒迎祥於整屋獻俘
閣下磔死於是賊黨乃共推自成爲關王矣
關門亡鐵牡漢書五行志木沴金成

章掖門門牡自亡函谷關次門牡亦自亡師古曰牡所以以下閉者也以鐵爲之明史志
五行二木妖崇禎七年二月丁巳太康門牡自閉者三知縣集邑紳議其事梁墮而死

路寢泄金滕

禮退適路寢聽政書乃納冊於金滕之匱中北略燕都大內有密室
相傳劉誠意祕記滅鐘基固戒非大故不得敢壬午冬大清兵圍

城先帝欲取觀內臣叩諫不聽發室中匱得圖三軸第一軸狀文武巨數千披髮狂走
第二軸繪兵將倒戈窮民負襁奔逃狀第三軸酷肖聖容著白背心右足跣左足被履

被髮中懸時陳仁錫子濟生假館嘉定府確聞如此或云上覽疏入夜忽見一麻衣人
前立怪逐之奔內庫入門不見諸瑤視門則又固閉上親幸其地見一密室乃劉誠意

所封云云又續紀宮中見婦人偏衣縞素人逐之至密室陰風惡霧妖氣充塞政視亦
云云又應廷吉香燐屑思宗御極之元年五鳳樓前獲一黃袱內裝小畫一卷題云天

啟七崇禎十七運有福王一清晨內侍檢得
霧起昭陽鏡三輔黃圖武帝時後宮

即奏御前上以袁槐眉先生奏立命火之
傳昭儀上姊三十六事有七出菱花鏡一盥小牀紀年帝起入後宮見后已自經乃入

霧甯宮長平公主年十五方哭帝曰汝何故生我家揮以刃殊左臂祈昭仁公主於昭
仁殿巡西宮刃衣貫妃復刃所御妃嬪數人味爽

天忽雨雲霧四塞闔賊入宮宮人魏氏費氏死之
風搖甲觀燈三輔黃圖甲觀

從衛衛繞出城上望見正陽門城上已懸白燈籠三椀
白燈籠自一至三以表寇信之緩急也知大事已去
已占伊水竭國語幽王三

陽父曰昔伊洛竭而夏亡河竭而商亡明史志五行一水變
萬曆二十年河州蓮花塞黃河涸崇禎十四年臨清運河涸
真選杞天崩國策

連曰天崩地坼天子下庶列子祀國人憂天墜身亡狂甫寄峽州劉伯華使君詩莫慮祀天崩明史志天文二蔡禎十一年三月壬辰欽天監正戈承科奏帝皇下移

道否窮仁聖

然有為即位之初沈機獨斷刈除奸逆天下想望治平惜乎大勢已頽積習難挽在廷則門戶糾紛疆場則將驕卒惰兵荒四告流寇蔓延至潰爛而不可救可謂不幸也已然在位十七年不遑聲色憂勤惕厲殫心治理臨朝浩歎思得非

帝之材而用匪其人益以債事祚運移身權禍變豈非氣數使然哉潘耒寇事編年

有明中葉如武宗之敗國熹宗之不君皆足以亡然不亡而亡於懷宗邊患如土木

之蒙塵侯幸如彬甯之亂政奄寺如振瑾忠賢之肆毒皆足以亡然不亡而卒亡於流

寇懷宗非失德之君流寇亦可辦之賊而日蔓月滋舉天下之全力莫之能制此豈獨

一機一策之失哉使記伯夷列 **時危恨股肱** 書臣作朕股肱耳目明史吳牲傳帝

傳孔子序列古之仁聖賢人 親鞠吳昌時作色曰兩輔臣負朕朕

待延儒厚乃納賄行私罔知國法命牲督師百方延緩為委卸地又陳演傳賊已陷宜

大演懼不自安引疾求罷入辭謂在理無狀罪當死帝怒曰汝一死不足蔽辜叱之去

父魏藻德傳帝臨朝歎曰朕非亡國之君事皆忘國之象祖宗櫛風沐雨之天下一朝

失之傾面目見地下朕願督師決一戰身死沙場無所恨但死不瞑目耳語畢痛哭又

互見後路舍人家詩乏純臣注 **哀同望帝化** 成都記望帝死其神化為 **神想白**

雲乘 雁子天地駕乘彼白雲至於帝鄉花暈是午共見 **祕識歸新野** 復漢書光

野因賈穀於宛住新野屬南陽郡

羣心望有仍

左傳哀公元年歸武紀宛人

小臣王

室淚

周禮夏官司馬小臣掌王之小命後漢書袁安傳字邵公汝南汝陽人也安為司徒以天子幼弱外戚擅權每朝會進見及與公卿言國家事未嘗不噫嗚流涕庾信哀江南賦序袁安之每念王室自然流涕

無路哭橋陵

史記封禪書遷祭黃帝冢橋山上曰吾聞黃帝不死今有冢何也或對曰黃帝已仙

上天羣共葬其衣冠

感事六首

毛詩女心傷悲傳傷悲感事苦也感事見詩注

日角鷹符早

後漢書光武起隆準日角鄭康成法日角庭中骨起狀如日鷹符見前大行哀詩靈符句注

天枝主鬻臨

儒禮佛唱導發願文天枝峻密帝葉英芬宋史張昭傳時皇子競尚奢侈昭疏諫曰以此而欲託以主鬻不亦難乎溫晉臨南疆釋史肅王神宗第二子福恭王之長子也韓由松母鄭氏初封德昌王進封世子崇禎十四年春正月李自成陷河南恭王遇害世子走懷慶癸未秋七月嗣封福王安危宗社計陸賈傳天下安注意相天下危注意將漢書王莽傳世祖即位然後宗廟社稷復立天下文安明史史可法傳會南都議立君張慎言呂大器姜日廣等曰福王由松神宗孫也倫序當立而有七不可貪淫醜酒不孝虐下不積善千預有司也潞王常泐神宗姪也賢明當立移牒可法可法亦以為然擁立大臣心又鳳督馬上英濟與阮大鍼計議主立福王咨可法可法以七不可告之而士英已與黃得功劉良佐劉澤清高傑發兵送福王至儀真文奸臣馬士英傳士英擁兵迎福王至江上諸大臣乃不敢言又劉宗周傳士英揚言於朝謂宗周與可法擁立潞王其兵已伏丹陽

舊國仍三毫

漢書魏豹等傳楚漢之際豪傑相

王惟魏豹韓王信田修兄弟為晉國之後置三

多方有二斟

左傳哀公元年晉

有過燒殺斟灌以伐斟鄩滅夏

漢災當百六

漢書谷永傳遭先妄之卦通值百六

后相杜注二斟夏同姓諸侯

元之中有九阨陽厄五陰厄四陽為早陰為水百六歲有陽厄故

人未息謳吟

日百六會南略陳函煇討賊檄此時劫運真遭陽九百六之爻

序傳今民皆謳吟

思漢衛往劉氏

縞素稱先帝

王素服角帶哭五月戊子朔王乘馬自三山門外至孝陵從臣請從

東門御路入王避自西門入至享殿祭告畢次謁懿文太子陵自朝陽門入東華門

步行謁奉先殿乙丑羣臣勸進王辭讓遵景皇帝故事監國庚寅發大行皇帝喪告諭

天下春秋大復讐 春秋公羊傳襄公將復讐子紀明史劉宗周傳以大讐未報

大赦 不敢受職自稱草莽孤臣疏陳時政言今日大計舍討賊復

玉册

南疆釋史五月庚寅行告天禮魏國公徐宏基進監國之寶山海經

哭廟見

諸侯

見上縞素注又明史史可法傳上疏曰陛下踐阼初祗謁孝陵

詔令屯雷

動

唐書百官志文章詔令則中書舍人掌之易雲雷屯先生明季實錄宏光詔書奉

頁守

卷一

一

歲乃累戕勸進拒辭弗獲遂於五月十五日祇告天地宗廟社稷即皇帝位於南都猥以貌躬荷茲神器惟我大行皇帝英明振古勤儉造邦殫育旰以經營希蕩平之績效乃濟池盜弄鐘旗震驚燕畿掃地以蒙塵龍馭賓天而上陟三靈共憤萬姓同仇朕涼德弗勝遺弓抱痛敢解耕磨之瘁誓圖存敵之功向賴親賢戮力匡襄助子敵愾其以明年為宏光元年與民更始大赦天下所有合行事宜開示於後爾略五月二十五日惟撫路振飛宜登極詔書於民有新舊發糧赦免之條眾情歡騰

澤流

阮咸謝世登俎之羨屢浹於恩波易祥傳君

須知六軍出一掃定神州

爾則並馳一介閒道北進檄燕中父老起塞上名王吳九廟曆梓宮訪諸王九邊督撫合謀共奮事或可為而諸臣計不出此則舉朝謀國不忠之當誅者又一上報曰親統六師光復舊物嚴文武恇怯之大法激臣子忠義之良心慎新爵勅舊官朕拜昌言宜村史館復完清幸存錄當敵之入也我一旅北征山東河南人心嚮應歲幣之供敵可去也士英漠然不問小腆紀年高宏圖請移蹕中都進山東以示大舉討賊季白發白馬篇一掃清大漢史記孟子荀卿列傷騎行以為中國名為赤縣神州中國外如赤縣神州者九又見後吳興行贈歸高士祚明詩神州注小腆紀年史可法祭祖陵上疏曰北顧神州

河山頓異

上宰承王命

行淹為蕭太傅義九錫表關中上宰亦龍胤之力霄亂后承王命御

入觀拜表即行可法速請督師出鎮淮揚十五日王即位明日可法陞參議分江北為四鎮東平伯劉澤清轄淮海駐淮北經理山東一路總兵官高傑轄淮徐泗水經理

開歸一路到長佐轉鳳壽駐臨淮經理陳杞一路靖南伯黃得功駐廬州經理光固一路可法政行即遣使訪大行帝后梓宮及太子二王所在奉命祭告鳳泗二陵可法去士英孔昭益無所憚十月可法赴清江浦遣官屯田開封為經略中原計諸鎮分汛地自王家營而北至宿遷最衝要可法自任之築龜綠河南岸十一月四日舟次鶴鎮謀報我大清兵入宿遷可法進至專征指大江更記周本紀西伯得專征伐後漢白泮河令總兵官劉肇基往援江事詳後京口即更記高祖紀漢王之出關至陝撫關外父老又事詩大將臨江注出關收漢卒呂后兄周呂侯為漢將兵居下邑漢王從之請收士卒南略五月十九日丙午史可法請以劉肇分陝寄周邦晉秋公羊傳曰基子承殺李栢鳳卜從善金聲植隨征係隸麾下陝而東周公主之自陝而西召公主之詩周邦日氣生元甲班固封燕然山銘元甲耀日甯略更感喜案分鎮畢見上率句注可法請發銅甲銅鎗團牌倭刀紅袍並色絹白布一應軍需戶部即發

推大將國士定無雙

更記淮陰侯傳何曰諸將易得耳至如信者國士無雙又人人各自以為得大將至拜大將乃信也一軍皆驚索隱

逐登壇

尚錄文侯命深虞雒邑東

原注錄賦書傳曰子讀文侯之命篇知東周之不復興也宗國傾覆禍敗極矣平王宜若衛文公越

句踐然今其書乃旋旋焉與平康之世無異春秋傳曰厲王之禍諸侯釋位以聞王政宣王有志而後效官讀文侯之命知平王之無志也明史史可法傳可法請頒討賊詔

書言昔晉之東也其君臣日圖中原而僅保江左宋之南也其君臣盡力楚蜀而僅保臨安蓋偏安者恢復之退步未有志在偏安而遠能自立者也大變之初點黎麗位紳士悲哀猶有朝氣今則兵騎餉絀文恬武嬉頓成暮氣矣

千秋懸國恥

江淹恨賦千秋萬歲為怨難勝明史史可法傳曰先皇帝死於賊秦皇帝亦死於賊此千古未有之痛也在北諸臣死節者無多在南諸臣討賊者復少此千古

未有之恥也又曰蓋賊一日未滅即有深宮曲房錦衣玉食豈能安享必刻刻在復仇雪恥振舉朝之精神萃萬方之物力盡併於選將練兵之一事又左懋第傳懋第頻行言臣此行生死未卜請以辭闕之身效一言願陛下以先帝仇恥為心膽高皇之弓劍則思成祖列聖之陵寢何存撫江上之殘黎則念河北山東之赤子誰郵更望時時整頓士馬必能渡河而戰始能扼河而守必能扼河而守始能盡江而安眾聽其言

一目表軍功

漢書爰盜傳一旦有綬彘明史馬士英傳尋論定策功加太子太師建極殿大學士應子如前十二月進少師明年進太保又徐石麟傳士英按定策功將圖封石麒麟議格之乃擢罷去南疆釋史五月進封得功靖南侯良玉甯南侯傑與平伯澤

清東平伯良佐廣昌伯晉徐宏基左柱國其餘侯伯皆加一級歲加祿米五十石子應

踢鞠追名將

塞外卒乏糧或不能自

振而票騎尙穿城蹋鞠吏記李將軍傳武帝立左右以為廣名將

乘軒北上公

左傳閔公二年衛懿公好鶴鷄有

行陣幕府已上首功晉史提虎旅執矜子握兵符何由奮敵懷又馬士英傳當是時中原郡縣盡失高傑死睢州諸鎮擁伴無統左良玉擁兵上游跋扈有異志而士英為人貪鄙無遠略復引用大賊日

君王多倚託先與賦彤弓

詩彤彤弓天子錫有有功諸侯也左傳

事報復招權罔利以迄於亡

文公四年衛甯武子來聘公與之宴
爲賦湛露及彤弓不鮮又不答賦

清蹕郊宮寂

周禮宮正凡邦之事經管書載記禮清蹕於常道之門明史志禮二
嘉靖九年作郊宮命戶體工三部偕夏言等詣南郊相擇南天門外

有自然之邱僉謂舊邱地位偏東不宜鑿用龍臣欲於具服殿少南爲園工父流賊李
自成傳自成種笠縹衣乘鳥駁馬入承天門登皇極殿據御座丙戌僭帝號於武英殿
牛金星代**春遊苑**更記秦始皇起皇帝春遊覽省遠方說文禡禁苑地後漢

行郊天禮**春遊苑**更記秦始皇起皇帝春遊覽省遠方說文禡禁苑地後漢
志輿服四世宗初壘西苑隙地爲田建殿曰無逸亭曰幽風又建亭曰省耕省斂十三
年西苑河東亭樹成規定名曰天鷲房北曰飛露亭迎翠殿前曰浮香亭寶日亭前曰

秋輝亭昭和殿前曰溼淵亭後曰趨臺坡臨漪亭前曰水雲榭西苑門外二亭曰左臨
海亭右臨海亭北闕曰湧玉亭河之東曰聚景亭改呂梁洪之亭曰呂梁前曰橫金亭
翠玉館前**陵邊屯牧馬**更記秦始皇起不敢南下而牧馬明史張鳳翼傳九年正

日擯秀亭**陵邊屯牧馬**更記秦始皇起不敢南下而牧馬明史張鳳翼傳九年正
彥以陵寢震動勅鳳翼坐視
不救詳後謁天壽山陵詩注
闕下駐賢王更記封禪書上書闕下又何
奴列傳管頤置左右兩賢王**紫塞**

連元菟律利古今注秦築長城土色皆紫稱紫塞明史外國二朝鮮漢以前日
朝鮮始爲燕人衛滿所據漢武帝平之置真番臨屯樂浪元菟四郡
河界白羊原注使記劉敬傳白羊樓煩王去長安近者七百里輕騎一日一夕可
以至明史武宗紀九年八月辛丑小王子犯白羊先生昌平山水記州

四四十里爲白羊口城二門距居庸南口二十里元史白羊口千戶所於昌平縣東口
置河景泰元年詔詠鹿中衛後千戶所官軍守禦後以守備一人守之其西南有小城

顧詩箋注

卷一

九

曰北羊新城又州北八十里爲黃花銀其水曰黃花鎮川河出塞
外自二道關入口逕渤海所儀乘至順義界入白河其流九曲
世祖紀真圖之
輿圖猶在眼史

廣歷古所無
涕淚已霑裳
北詩初鵲涕淚滿衣裳

自昔南朝地
北史序傳北朝自魏
常稱北府雄
晉書都超傳時倍在北府
徐州人多勁悍顧祖禹讀

史方輿紀要鎮江府權又僑置徐兗二州諸之北府又六朝都建康謂京口爲
北府陳亮曰昔人謂京口酒可飲兵可用而北府之兵爲天下雄蓋勢使然也
六軍

多壘日
六軍見上第二首注濔西
萬國鼓鞞中
易元王以建萬國在浦垂老
別詩萬國盡征戎禮縣鼓鞞

之聲則思
聽律音非吉
原注周禮大師執同律
焚旗火乍紅
原注左傳僖公
十五年火焚其

旗南略甲申六月北將于承殺等領馬兵駐鎮江浙江都司黃之奎領步兵至止西門
外馬兵擡小兒瓜傷兒額浙兵縛而擲之江馬兵呼蔡忿攻路過浙營守備李大開怒

射之中數人馬兵謂浙營兵將皆欺我羣起射殺大開浙兵竄隱民家馬兵挾索恣其
淫掠焚東門外居民數十里祁撫軍提甲馳往彈壓地方以安事聞上以于承殺等四

將紀律不彰仇殺駭聽令赴可法軍前核治其後兵將調治悉聽本處撫
臣師制並命總兵黃斌卿防禦京口明史祁彪佳僎云焚掠死者四百人恐聞劉展

亂
原注通鑑唐肅宗起安史之亂兵不及江淮
父老泣江東
原注六月壬午
督師標下兵與

浙江兵圍於鎮江西門外被居民數百家更記項
羽本紀統江東父兄憐而王我我何面目見之

羽本紀統江東父兄憐而王我我何面目見之

京口卽事

已下梅紫作疆 大清順治二年乙酉鎮江府志京峴山丹徒縣東三國吳初都此後遷都秣陵乃置京口鎮統約鍾山詩應西陽

王敦卽事既多美李善注卽事卽此事也

白羽出揚州

國語吳王陳士卒爲萬人以爲方陣皆白常白旂紫甲白羽簡史史登陣守傑攻之決月傑素畏可法可法來傑夜掘坎數百埋暴骸且口朝可法帳辭色俱變汗浹背可法坦懷待之接偏裨以溫語爲具疏屯其眾於瓜洲傑又大喜傑去揚州以安可法

乃開府揚州

黃旗下石頭

東有天子氣三國志吳主傳注引干寶晉紀孫權爲疑城自石頭至於江乘世說注引丹陽記曰石頭城吳時土陶後因山加贊因江爲池江甯府志石頭城在上元縣西六朝每有寇攻但云守石頭其時江在石頭下爲險要必爭之地今城

也見鳥六雙以王何取王何不以聖人爲弓以勇

六雙歸鴈落

襄王召而問之對曰稱楚之大大王之賢所弋非直此

上爲散時張弓而射之此六雙者可得而囊載也

河上三軍合

明史史可法傳 大清兵已下邳宿可法飛章報聞士

蛟江中獲之

英謂人曰渠欲敎防河將士功耳漫弗省諸鎮遠巡無進師意明年正月餉缺諸軍皆飢頃之河上告警詔良佐得功率兵援潁壽傑進兵歸徐徐意可法激諸鎮出兵高傑首先奉命渡泗水所部王之綱前驅薄睢陽可法進次河上南嶽釋史十二月初九輪大監高起潛閣臣已

神京一戰收

王勃九成宮頌 神京四邑明堂

八廟空傳倍公二

祖生多意氣擊楫正中流

晉書祖逖傳仍將水楫徒部曲百餘家渡江中流擊楫而誓曰祖逖不得清中原而復濟者有如大江辭色壯烈眾皆慨歎明史史可法傳為督

王事方殷敢為兒女計乎歲除遣文廉至夜半倦索酒庖人報殺肉已分給將士無可佐者乃取鹽鼓下之可法素善飲數斗不亂在軍中絕飲是夕進數十觥思先帝法然淚下可法短小精悍面黑目燥燥有光廉信與下均勞苦軍行士不飽不先食未授衣不先御以故得士死力又贊曰史可法憫國步多艱忠義憤發提兵江皖以當南北之衝四鎮茶布聯絡聲援力圖興復然而天方降割權臣掣肘於內俾將敗扈於外遂至兵頽餉竭疆圍日蹙志決身殲亦可哀矣又可法每繕疏疏循瑛瑛諷誦聲淚俱下聞者無不感泣

大將臨江日

簡略五月七日史可法議防江設水師五萬添二鎮將畫地分守南

中原望捷時

樸至睢州為許定國所殺部下兵大亂變國可法流涕頓

兩河通詔旨

宋史李綱傳請於河北置招撫司河東置經制

足日中原不可為矣父劉宗周傳國家不幸遭此大變今紛紛制作似不復有中原志者
司擇有材略者為之使宜諭天子恩德所以不忍棄兩河於敵國之意明史史可法傳六月可法請頒監國登極二詔慰山東河北軍民心交高宏圖傳陳新政入事一擇詔使

三輔急王師

漢書百官表左扶風右馮翊京兆尹為三輔先生歷代帝王宅京

記武帝太初元年改內史為京兆尹與左馮翊右扶風謂之三輔

三輔治所京兆在故城南尚冠里馮翊在故城內太上皇廟西南扶風在夕陽街北又
三輔者謂主爵中尉及左右內史漢武帝改曰京兆尹左馮翊右扶風其治長安城中
是之謂三輔三輔郡皆有都尉如諸郡京輔都尉治華陰左輔都尉治高陵右輔都尉
治鄜後漢百官志曰中興都鄜陽以三輔陵園所在不改其號但減其秩與太守同明
史劉宗周傳一曰據形勝以規進取江左非偏安之業請進圖江北風陽號中都東扼
淮徐北控豫州西顧荆襄去金陵不遠請以駐親征之師大小銓除暫稱行在少存臣
子負罪引慝之心從此漸進秦晉燕齊必有響應而起者士英疏言宗周勸上親征謀
危君父欲安置陛下於烽火凶危之地謂與姜日廣吳姓合謀弒略七月二日吏科給
事中章正宸上言惟進取爲第一義此者河北山左忠義嚮應多殺偽官爲朝廷效死
力不及今電擊星馳是割天下之氣而坐失事機也宜亟檄四鎮分渡河淮聯絡諸路
協力聲援使兩京血脈通而後塞井陘絕孟津據武關以攻隴右賊不難旦夕殄也文
史可法傳自成棄京師西走青州諸郡縣爭殺偽官據城自保可法疏曰願陛下速發
討賊之詔責臣與諸鎮 轉戰收銅馬廣信齊王憲神道碑斗建慶兵天離轉戰原
悉簡精銳直指秦關 轉戰收銅馬注後漢書光武紀擊銅馬於鄴悉將降人分
配諸將眾 遣兵飲月支更記大宛列傳大月氏在大宛西可二千里居焉水北
逐數十萬 遣兵飲月支其南則大夏西則安息北則康居行國也隨畜移徙音頓
立攻破月氏至匈奴奴老上單 從軍無限樂早賦仲宣詩全聚從軍詩從軍有
于殺月氏王以其頭爲飲器 從軍無限樂早賦仲宣詩苦樂樂字仲宣明史
劉宗周傳疏云推恩武弁則疆場視同兒戲又曰四鎮額兵各三萬不以殺敵而自相
屠毒又日煩朝廷講和何爲者夫以十二萬不殺敵之兵索十二萬不殺敵之餉必窮
之術耳不稍裁抑性加派橫征蓄一
蒼鷹乳虎之有司以天下徇之已矣

京闕篇

明史志地理應天府太祖丙申年曰應天府洪武元年八月建都曰南京十一年曰京師永樂元年仍曰南京洪武二年始建新城內為

宮城亦曰紫禁城門六正南曰午門左曰左掖右曰右掖東曰東安西曰西安北曰北安宮城之外門六正南曰洪武東曰長安左西曰長安右東之北曰東華西之北曰西華北曰元武皇城之外曰京城周九十六里門十三南曰正陽南之西曰通濟又西曰聚寶西南曰三山曰石城北曰太平北之西曰神策曰金川曰鍾阜東曰朝陽西曰清涼西之北曰定淮曰儀鳳共外郭洪武二十三年四月建周一百八十里門十有六東曰姚坊仙鶴麒麟滄波高橋雙橋南曰上方夾岡鳳臺大馴象大安德小安德西曰江東北曰佛甯上元觀音

王氣開江甸

廣信哀江南賦序將非江表王氣終於三百山河拱舊京晉書年平宋書蕭思話傳仗順沿流席卷江甸

水小

京同志贈言歸祚明寄懷甯人詩城闕山河千古壯可憐不是舊京華德過灑雲我乃小澗水東漢水西運屬阪泉征左傳僖公二十五年遇黃帝戰於阪泉之兆史

阪泉在

赤縣疏封澗赤縣見上感事詩神州注完黃圖映日明隋書經籍志黃

赤縣疏封澗

史樂志入寶章石壤疏封

秩猶分漢尹

明史志職官四洪武三年改應天府知府為府尹秩正三品賜銀印漢書百官公卿表內

烝尙薦周牲

禮冬曰烝又周人尙赤牲用騂明史志禮十四建文初定孝陵每歲正旦孟冬忌辰聖節俱行

圖一卷記三輔宮觀陵廟明堂辟雍郊時等事

史掌治京師武帝太初元年更名京兆尹

香清明中元冬至俱祭祀動輒大
臣行禮文武官陪祀俱用太牢
關道紆金輅史記奏本紀表南山之巔以為關

法冕五綵纁元衣終裳乘金輅祀太廟案明史志輿服二太祖日以玉飾車古惟祀天
用之常乘宜用殷輅洪武元年有司奏乘輿服御應以金飾詔用銅有司曰費小不足
惜太祖曰儉約非身先無以率下且

省麗之習未有不由小而致大者也
郊宮仁翠旌郊宮見前感事詩滿羅句注漢安世房中歌金支秀華庶

旌翠
山陵東掖近明史孝陵在應天府城內鍾山之陽懿文陵祔於其側又洪武十六年孝陵殿成命皇太子以牲醴致祭祔後孝陵圖詩

注
府寺後湖清後漢書劉般傳府寺寬敞輿服光麗明史志地理應天府上元分建北有元武湖正元縣志元武湖在太平門外今稱後湖

國運方多難天心會一更國運見大行皇帝哀詩頽風注更記天官書天行德天子更立年案應言王者當天心則北辰有光

耀是行德也不朕紀年罪已
認務使天心感格世轉雍熙
神州疑逐鹿神州見前感事詩定神州注更記淮陰侯列傳蒯通曰秦失其鹿天下共

逐
率土駭奔鯨詩率土之濱莫非王臣舊唐公十五年東盡號略明史志地理河南府靈寶縣有函谷故關明史流賊傳崇禎上

六年冬十月陷潼關孫傳庭
東門納賊榆林故石守李過勢不能克自成發兵攻陷之乘勝取甯夏慶陽移攻蘭

州進陷西甯於是肅州山丹鉅番莊浪皆降陝西地悉歸自成又遣賊渡河陷平陽上
七年自成稱王於西安僭國號曰大順攻元永昌時山西自平陽陷河津稷山榮河
皆陷他府縣多望風送款二月自成渡河被汾州徇河曲靜樂攻太原北徇忻代

遂令纏大角

原注史記天官書大角者天王帝廷狂甫傷春諺大角纏兵氣

無復埽欂櫨

更記天官書三月生天機長四

丈末兌退而西南三月生天槍長數丈兩頭兌謹視其所見之國不可舉事用兵

合殿焚丹戶

漢肩吾橫吹曲長安道詩合殿生光彩明史李自成

傳焚太廟移太祖神主於帝王廟中四月二十九日僭號武英殿是夕焚宮殿及九門城樓不勝紀年明降賊臣鞏燭太廟神主

金城落畫蠹

秦始皇紀贊金城千里說文蠹屋棟也種

衞哀遺梓棹

譚新論王莽起九廟鑿帶金銀錯鐵其上

屬用梓棹用柅又檀弓柅棺一注云所謂梓棺也梓棺二注云所謂屬與大棺明史李自成傳帝后崩自成命以官扉載出置東華門外百姓過者皆掩泣又太監王德化叱

泣血貫宗祔

哭漢德等亦哭願君恩以告自成改殮帝后用袞冕禕翟加鞞履云

廟門內一明日釋祭時設饌於廟門西室周禮陽樂曰今將大泯其宗祔而覆殺其民

人宜吾不

傾否時須聖

扶屯

理必亨

頤延之皇太子釋奠詩時屯必亨運蒙則正

望雲看五朵

南略五月戊子朔羣臣迎福王所至都民聚觀生員及在籍官沿途

皆行拱迎者有云先一日雨大星夾日是日五色雲見

候緯得先贏

原注唐憲曆大業十三年六月鎮星贏而旅於參參唐星也李潛風曰鎮

星主福未當居而居所宿凶吉

渡水收萍實

家語致思篇楚昭王渡江江中有物大如斗圓而赤直觸王舟舟人取之莫之能識王使使聘於魯

問於孔子曰此所謂萍實者也可剖而食吉祥也唯弱者為能獲焉吾昔之鄭過乎陳之野聞童謠曰楚昭王渡江得萍實大如斗赤如日剖而食之甜如蜜此是楚王之應也善是

占龜兆大橫
漢書文帝紀下之龜卦兆得大橫占曰大橫庚余為天王夏啟以光

舊邦回帝省
詩周

舊周正月也更記麻
王周正月杜注周

田踰夏一成
左傳哀公元年有田一成又配夏配天不失舊物

維嶽
宋史陳騭德駁兼太子論德謂壁宮下親細務不得

朝稱元老壯
魏方叔元老克壯其猶

國有丈人貞
易師貞丈

密勿營三輔
漢書劉向傳詩曰密勿從事師古注密勿猶勉從事也營三輔見前京口即事詩三輔注明史陳潛夫傳潛夫巡按河南入朝言

分命灌鎮以一軍出
魏壽一軍出淮徐則眾心競奮爭為我用更頒爵賞鼓舞計遠近

有儼前後救援長河不足守也
汴梁一路巨聯絡素定旬日可集十餘萬人誠稍給糧糧臣當荷戈先驅諸藩鎮為後勁河南五郡可盡復五郡既復畫河為固南連荆楚西控秦關北臨趙魏上之則恢復可望下之則江淮可安此今日至計也南略寇氛日逼

三韓震恐撤兵入關西
行邊寇亦救急之一策
恢張頓八紘柳宗元答閻魁驛恢張驛驅運行淮南于墜形訓九州之外爲八賁八賁之外爲八紘

塘周淮口柵山繞石頭城原注建康志柵塘在秦淮上道古通瀆實錄注吳時夾淮立柵號柵塘梁天監九年新作綠淮塘北岸起石頭迤東治南岸起後渚難門迄三橋作兩重柵皆施行焉讀史方輿紀要應天府西二里爲石頭山輿地志山環七里一百步北緣大江南抵秦淮江去臺城九里山

上有城相傳楚威王滅越置金陵於此國經漢建安十六年孫權徙治秣陵

明年城石頭賈貨軍器於此諸葛武侯使建業曰石頭虎踞王業之基也

未蕩封豨梗淮南子封豨修蛇皆爲民害明史李自成傳歸西安復遣賊陷漢中掠保甯我大清順治二年大兵攻潼關僞伯馬世耀以六十萬眾迎戰潼關敗死自成

遂棄西安由龍駒寨走武岡入襄陽復走武昌我兵兩道追躡連蹙之鄧州承天德安

武昌窮追至賊老營大破之者八又張獻忠傳十七年中陷夔州至萬縣水漲雷屯三

月已破涪州進陷佛圖關被重慶遂進陷成都時南京諸臣立福王命大學士王應熊

督川湖軍事兵力弱不能討賊獻忠遂僭號大西國王攻元大順分徇諸府州縣悉陷

之保甯順慶已降自成置官吏獻忠悉逐去自成發兵攻獻忠不克獻忠遂據有全蜀

是時曾英李占春于大海王祥楊展曹勳等義兵並起故獻忠誅殺益壽川中民盡乃

仍遺穴鼠爭

更記趙晉傳警如兩鼠穴中將勇若勝師從甘野誓夏書甘誓疏言地名有厄氏國之南

人雜涓濱耕

蜀志諸葛亮傳耕者雜於涓濱居民之間桑明史史可法傳可法遣官屯

四象懸蚩戮千刀待莽烹

原注黃龍百蠻九象在東平郡壽張

實命開屯海中五環等山

郊也事見上感事詩上宰句
注京口卽事詩河上句注
田開封南略十一月初六庚

縣開城中高七丈民常十月祀之有赤氣出入如匹絳帛民名爲蚩尤旗肩髀象在川陽郡鉅野縣重聚大小與鬪象等傳言黃帝與蚩尤戰於涿鹿之野殺之身體異處故別葬之梁徐陵在齊與梁侯射詩四發梁堂九千刀朝王莽

蕭難未謝述懷 黃石傳三略 石之符誦三略之說 條侯總七營 周勃

傳文帝樛物子賢者皆推亞夫通封爲條侯爾古曰地在渤海地理志作菑南略七月十日定京營之制悉照北京命以杜宏域揚御壽年文綬補三大營各總一營至五營

下啟光寶國衛胡文若補三大營各總六營至十營又南疆釋史十月二十日虎頭雙

八日壬午定江北督撫四鎮領兵三萬楚撫額兵一萬京營額兵一萬五千

劍白 華傳得一石函光氣非常中有雙劍一曰龍泉一曰太阿 猿臂一弓驛

便記李將軍傳廣爲人長夜管 會見妖氛淨 社甫北征詩仰觀天 旋聞阨塞

其善射亦天性也詩駢辭角弓 色改坐覺妖氛豁 戴囊歸武烈 揚武王之大力 伊

平 朔史陳潛夫傳營是時河南開封汝甯開列寨數百劉洪起最大南陽列寨數十 蕭應訓最大洛陽列寨數十李際遇最大諸帥中惟洪起欲效忠愍夫請于挂印

爲將軍且言臣聯絡素定士莫不聽而用 載囊歸武烈 揚武王之大力 伊

其威越其杰巡撫河南於是阨塞皆失 禮洽封山玉 有司奉瑄玉嘉牲薦饗 音諧降

減築文聲 又文王有聲 配天歸舊物 見上夏一 復國紀鴻名 全傳

鳳笙 說文笙十三簧象鳳 之身也舊八音克諧 成句注 復國紀鴻名 全傳

十四年亡而不變何以復國史記曉集僂處驚駭賓王上兖州張司馬啟絳熙麟

司馬相如傳前聖所以永保鴻名難初春遷大谷鶯詩田自幽谷遷于喬木梁昭明太子尊師先太學納

誨必延英禮大學禮雖詔於天子無北面所以尊師也雲朝夕納諫南略禮科沈

令臺諫之臣陳得失宮中萬幾之餘時覽資治通鑑及本朝實訓諸書又吳道疏一日

講宜行爾敷定期俾博聞有道之臣朝夕左右虛衷延納一午朝宜舉俾閣部大臣及

臺垣散秩咸得躬膺清問披對之餘採疾苦戮功罪明是非云云疏入不肖小腆紀年

委日廣流天威在上密勿深嚴臣安得事事爭之但願陛下深宮有暇溫習經書取大

學衍養資治通鑑觀之周宣漢光何以復還前烈晉元宋高何以終狂偏安武侯之出

師何倦倦以親君子遠小人為說李綱之禦敵何切切以信君子勿問小人為言必能

發聖心之天明破邪說於先覺然後國恥可得雪中興可得期也唐六典大側席推

明宮宣政殿之左曰東上閣西上閣次西白延英門其內之左曰延英殿

千鼎後漢書章帝紀詔曰朕思遷直士側席異閣漢書回車載釣璜史記齊

家致號之曰太公望載與俱歸竹書紀年注文在陰來鶴和易鳴鶴在陰刻

石起魚鏗原注劉放叔吳苑濟武帝時吳郡臨平岸崩出一石鼓扣之無聲以問

張華華曰可取蜀中桐材刻作魚形扣之則鳴於是如言聲聞數十里

念昔掄科日三陪薦士行張道崇願三年庚午六月科試上

張道崇願三年庚午六月科試上虞李提學懋芳拔先生一等二十

城固東都賦發

鯨魚鏗華鐘

念昔掄科日三陪薦士行

名日知錄載是年應天鄉試題舉直錯諸枉二句以媚奄諸臣初定逆案也九年丙子

六月科試上虞倪提學元瑛置先生卷二等日知錄載是年應天鄉試春秋題宋公入

曹以曹伯陽歸先生議其以公孫纒比陳啟新曹伯陽比思陵非所宜言大不敬十二

年已卯七月城固張提學鳳兩覆試科舉先生取遺才二等先生郡國刊刻書序崇禎

已卯秋闈致帝鄉秋尚悅後漢書劉隆傳南陽帝鄉多近親玉篇尚悅失意不悅貌天闕歲崢嶸天官

書兩河天關開為關梁原注賦客餘枚叟漢書枚乘傳乘字叔淮陰人也去官

馳照舞鶴賦歲崢嶸而愁暮賦客餘枚叟復遊梁梁客皆善屬辭賦乘尤高爾

惠運雲賦文才後賈生晉書孫綽傳少以文才垂稱安記屈原賈生列傳賈生名

延枚叟文才後賈生誼雒陽人也年十八以能誦詩屬書聞於郡中吳廷尉為

河南守聞其秀才召置門下廷尉乃言賈生飲泉隨渴鹿詩無飲我泉陸游詩

年少頗通諸子百家之書文帝召以為博士飲泉隨渴鹿渴鹿出林窺藥井

攀徑落危甍爾雅釋獸注江東呼鹿鼠為甍俗呼鼠狼再見東都禮詩車

子案注成王命周公營雒邑以為東都周宰既衰久廢其禮至尤深上國情左傳

於宣王內脩政事外戡夷狄脩車馬備器械復會諸侯於東都宿衛皆勳舊成公

七年通吳百僚方勸進父老盡來迎見前感事詩綺素句注又見上望雲句注宿衛皆勳舊

於上國百僚方勸進父老盡來迎見前感事詩綺素句注又見上望雲句注宿衛皆勳舊

使記齊悼惠王世家其弟章入宿衛於漢呂后封為朱虛侯後四年封章弟興居為東

牟侯皆宿衛長安中案明史劉宗周傳疏京營自祖宗以來皆勳臣為政樞貫佐之陸

下立國伊始而有內臣盧九德之命士英有不再辭其責者南略魏國公徐宏基撫南

元誠意伯劉孔昭成安伯

郭祚永皆進綵緞恭賀

精其數制少又

見上總七營注

盈

草綠西州晚

台山賦形雲斐璽以翼樞

七年二月蕭何治未央宮

世之陽朔兮招搖紀於

周正注招搖斗柄也

玉帛塗山會

書召諸侯成王在豐欲宅雒

邑使召公先相宅作召誥

牽牛河渚飲之問此是何處

為禽至蜀問君平日某年月

邊榮

謝靈運九日從宋公戲馬臺

詔諸儒對者百餘人太常奉

子指引第一又賈誼傳

也欲其

尊王也

小臣搖彩筆

岳瑩火賦撰彩筆以為銘

幾欲擬張衡

張衡傳

干振竝禁兵

左傳襄公二十五年陪臣干振唐書兵志段秀實見禁兵寡弱上疏曰禁兵不

乾坤恩澤大雷雨氣機盈

潘岳西征賦皇合德於乾坤又流春澤之渥恩易屯卦雷雨之動萬

法宮瞻斗柄

漢書趙主錯傷五帝神聖處法宮之中又揚雄傳漢十

別館望金莖

班固西都賦離宮別館三十六所又抗仙掌以承露權雙立之金莖李善注銅柱也

海槎天上隔

張華博物志漢武帝使張騫尋河源乘槎經月至一處見一織女一丈夫

車書雒邑程

禮中書同軌書同文

對策年猶少

漢書公孫弘傳弘至太常上

尊王志獨誠

周禮春官大宗伯夏見曰宗注宗尊

陽卉日

漢書公孫弘傳弘至太常上

幾欲擬張衡

張衡傳

小臣搖彩筆

岳瑩火賦撰彩筆以為銘

幾欲擬張衡

張衡傳

衡字平子南陽西鄂人也少善屬文擬班固兩都作二京賦因以諷微十年乃成復作南都賦

金陵雜詩 吳志張紘傳注江表傷茲謂權曰秋陵楚武王所置名

江月懸孤影還窺李白樓詩人長不作千載尚風流 李白月夜金陵懷古詩舊蒼金

陵月空懸帝玉州江甯府志豫楚酒樓在城西李白既月於此遠眺歌吹日晚乘醉著

紫綺裘烏紗巾與酒客數人棹歌秦淮往石頭訪崔四侍御相倚在莫愁湖東亦稱太

白酒樓父府志風俗考自晉宋以來衣冠塢壁三山古 拜平陽令時清河大姓趙

莘止人物繁盛皆向家修猶有六朝遺風塢壁三山古 拜平陽令時清河大姓趙

網於縣界起塢壁繕中兵江甯府志上三山在江甯鎮西下三山在江甯鎮東三峯拱

峙大江從西來勢如建瓴而此山突出當其衝一名鐘國山晉王濬伐吳行師過三山

即 **池臺六代幽** 陳信哀江南賦池臺鐘鼓魏萬金陵酬李翰林詩金陵百 **長安**

此 **佳麗日夢繞帝王州** 謝朓入朝曲江南佳麗地金陵帝王州明史熊汝霖傳疏

稅駕何地耶建康志東南佳麗樓在銀行街舊為賞心樓入廢

春雨收山半 許棠寄敬亭山清越上人詩 **江天出翠層** 李德裕大孤山記

波楚辭九歌 **重聞百五日** 荆楚歲時記去冬至一百五日 **遙祭十三陵** 南朝

翻飛兮翠層 日即有疾風甚雨爾之寒食 釋史

三月十日癸巳遷祭諸陵又十九壬寅思宗忌辰王於宮中舉哀百官於太祝版書

平門外設壇遙祭以東宮二王附祭十三陵見後恭謁天壽十三陵詩注

孫子 明史志禮五洪武三年詔太廟祝文止稱孝子皇帝

祠官走令丞

史記文帝

紀上曰昔先王遠施不求其報望祀不祈其福今吾聞祠官祝釐皆歸福朕躬其令祠

官致祭毋有所祈漢書百官表太常屬官有大樂太祝太史木卜太宰太醫六令丞明

史志禮十四謁祭陵廟正德間定長陵以下諸陵各設神宮監並

衛及祠祭署清明中元冬至俱分遣駙馬都射行禮文武官陪祭

若光武紀建武五年灑掃及冬丞 前於祭灑掃冬丞見

詔修復西京園陵 灑掃及冬丞 前於祭灑掃冬丞見

天居宜壯麗 孫陵太極殿賦函谷播看美皇居之壯麗明史志輿服四宮室之制

庶奉天殿之前曰奉天門左曰文樓右曰武樓離身殿之後為宮前曰乾清後曰坤甯

六宮以次列宮殿之外周以皇城時有言瑞州文石可登地者太祖曰敦崇節儉猶恐

習於奢華爾乃辨余奢麗乎言者慚而退漢書高帝起七年二月蕭河治未央宮上見

其壯麗甚怒案商略七月癸酉命修西宮西園之第一所十一月戊子西宮成賜名慈

應殿衛史劉宗周傳將行疏陳五事一曰修聖政毋以近娛忽遠獻

土木崇矣珍奇集矣俳優雜陳矣內豎充庭金吾滿座成無駢闐矣 **考室自宣王**

地即周壘石

見前京闕篇

規因漢未央

見上天居句法並固西

北甯明光而直長樂李善注漢書曰高帝至長安蕭何作未央宮程大昌雍錄天子之

居當為正宮其外皆離宮也漢都長安若未央則其初為至長樂則因秦而加登治也

水衡存物力

漢書百官公卿表水衡都尉武帝元鼎二年置主平其稅出入交與

力必屈南略乙酉二月太監孫元德搜刮常州府欠金花銀九萬五千兩積欠三例三
十三萬命勒限嚴緝丁丑戶科熊維典奏四府遺欠三年內三百三十一萬八千五百
兩皆屬應徵又已徵不

司隸識朝章

後漢書光武紀更始將北都洛陽以光武行
司隸校尉於是遣僚屬作文移從事司察一

如舊章時三輔東士東迎更始諸將過皆冠幘而服婦人衣諸子繡鞵莫不笑之及見
司隸僚屬皆歡喜不自勝老吏或垂涕曰不圖今日復見漢官威儀於是識者皆屬心
焉夏完瀆續幸存錄阮圓海督師江上衣服團碧玉見者比為黎園裝束錢謙益家
妓為妾者柳隱冠插雉羽戎服騎入闕門如明妃出塞狀大兵大禮皆倡優排演之場
欲斷之不安可得或云無紀年劉孔昭以張慎言舉吳姓譁殿

父老多垂涕還

思祖德長

更記高祖紀父老苦秦苛法久矣明史史可法傳若躬謁二陵親見鳳
泗蒿萊滿目雞犬無聲當益悲憤願慎終如始處深宮廣廈則思東北

諸陵魂魄之未安享玉食大庖則思東北諸陵麥飯之無展膺圖受錄則念先帝之集
木馭朽何以忽遽危亡早朝晏罷則念先帝之克儉克勤何以卒隳大業戰兢惕厲無
時怠荒二祖列宗將默佑中興若晏處東南不思還略賢奸無辨威斷不鑿老成
投醫蒙僕裹足祖宗怨恫天命播移東南一隅未可保也垂涕見上司報句注

正殿虛椒寢

班固西都賦正殿崔嵬層構絕高漢書谷永傳抑損椒房玉堂之盛
龍注節古曰椒房皇后所居三輔黃圖椒房殿在未央宮以椒和泥

塗取其溫而芬芳也爾雅注室無東西廂有室曰寢爾略五月十九日馬士英奏大計
四款一皇子未生即教慎選淑女七月二十五日庚辰命選淑女及內員羣臣交章諫

不聽十月初七辛未命杭州選淑女二年二月甲寅朔命於嘉興紹興二府
選淑女十三日丙寅命於蘇州造大婚冠服四月十五日選淑女於元暉殿

母儀 書后妃傳母儀天字 **國風思窈窕** 之本謂之風關睦樂得淑女以配君
子憂在進賢不淫其色哀窈窕思賢才而無傷善之心馮爾略三月丙申有童氏自稱
舊妃自越其杰所解至上命付錦衣衛獄初上嗣王之歲封童氏為妃生一子不育遭
亂播遷與太妃各依人自活妃在獄細書入宮日月相離情事甚悉求馮可宗上達上
怒弗親又遺閻云劉良佐言童氏非假冒馬士英亦言苟非至情所關誰敢與陛下稱
敵體宜迎歸內衛諭河南巡撫迎致皇子以慰臣民之望上命 **小雅夢熊羆** 詩小
屈尚忠殿刑拷訊童氏號呼詛罵尋死獄中明史及釋史略同

夢維何維熊維羆事見 **中使頻傳救臺臣早進規** 孫黃毓山老妓行侍臣
上正殿句注國風句注 救選嬌答爾略科臣陳子

龍奏中使四出搜採閭井駭然御史朱國鼎言大者選侍宮闈小者教習戲曲街坊緘
口不敢一言工科李維越言日來道途鼎沸不擇配而過門皆言王田兩中貴強取民
女以備宮闈致少女白刃 **願聞姜后戒仍及會朝時** 列女傳周宣王姜后賢
投井亦大不成舉動矣 而有德宣王嘗早臥而

晏起后夫人不出於房姜后既出乃脫簪珥待罪於承巷使其傅母通言於王王復姜
后而勤於政事早朝晏退繼文武之迹與王室之業諺會且歸矣無庶子子愴桑南略
沈亂培疏請立中宮謂今永巷無脫簪之傲夏復寧錄寵王在南都御近匪

人日事荒蕪燕巷談里唱流入大內梨園子弟供奉後庭教坊樂官出入朝房

記得尙書卷

原注先兵部侍郎府君官舍所在先生譜系考章志字子行歷官南
京光祿寺卿應天府尹南京兵部右侍郎贈都察院右都御史徐譜

南京朝天宮後有侍郎公祠張謇衍生緒寫畫目有觀海公船政疏一卷蘇州府志南
京馬快船爲上供所需皆衛卒領之猝有差遺每爲中官所推刺卒多逃亡軍伍日虛
草志奏請募師立役而稍益其值減船額就之歲約費二萬五千金米三萬石今衛
士願輸者已得萬五金又願除額給米二萬朝廷但捐銀萬兩米萬石以佐之則費
小而惠大上從之遂著爲令亡何卒於位于今六十年功名存駕部原注先公
其喪歸衛士焚香哭於道詔贈右都御史于今六十年功名存駕部原注先公
得請爲南京百年之利事載船政新書奏事詳上
句注晉書職官志魏尚書郎有殿中吏部爲部
朝又見下拜先哲王考木主於朝天宮後祠中詩注
朝天宮卽吳冶城楊吳建紫極宮宋天慶宮明改曰朝
鳥衣巷驃騎航側王導宅
在鳥衣巷南臨驃騎航
門臨白水偏苦樂府菁溪小姑曲
侍郎遺石在
過此一悽然原注唐書薛元超爲中書舍人宏文館學士兼修國史中書省有一
不泣然
流涕

千里

錢邦畿千里事見詩
注以詩首二字爲題

千里吳封大

荀子疆國古者百王之一天下臣諸侯也未有過封爲千里者也更
記吳大伯世家周武王克殷求大伯仲雍之後得周章周章已君吳

因而封之又壽夢
立而吳始益大

三州震澤通

魏志蔣濟傳車駕幸廣陵濟表水道難通又上
三州論以諷帝書震澤底定傳吳南太湖也

戈矛連海外文檄動江東

雷鍛乃戈矛晉書劉超傳遠從渡江專掌文檄吳志孫破虜討逆傳舉江東之眾決機於兩陣之閒

元暹時

大清兵已定江浙大軍駐金陵一軍駐蘇一軍駐杭一軍駐沿海吳松等處

有明江南總兵吳志葵者吏部主事夏允彝門人也頓兵海上又有十將官者克兵陳

朔中與湖旁諸生陸世綸者各有眾千餘閏六月十日明兵科給事中陳子龍舉人徐

孚遠章簡聞南都不守起兵松江與陳湖兵合允彝又入志葵軍為之馳書檄聯絡士

大夫華亭則總督兵部侍郎沈猶龍下江監軍道刑本徹中書舍人李待問嘉定則左

通政使侯峒曾進士黃澹耀總兵蔣若來崑山則郎陽巡撫王永祚編修朱天麟吳江

則職方吳易總兵王發太倉則總兵張士儀宜興則行人盧象觀等互為聲援先生與

楊永言吳其沆歸莊皆佐王永祚軍諸軍謀以松江兵攻杭嘉定太倉兵攻沿海宜興

兵趨南京約伏艦舟中獨吳志葵先

進向蘇州按蘇州捷音至剋日同發

十二周藩臨汝王寓武進

將軍舊總戎 左傳昭公二十二年豈將軍食之而有

舊唐書音樂志關邸除暴 不足孔疏此以魏子將中軍故呼為將

軍及六國以來遂以將軍為官名蓋其元起於此案事見上戈矛二

句注魏志詔大將軍親總六戎李觀邵節度享軍記仗鉞總戎

誰復似臧洪 原注後漢書臧洪傳陳郡太守張邈與諸牧守大會酸棗設壇場將

盟既而更相辭讓袁敢先登或共推洪洪乃攝衣升壇操血而盟辭

氣抗慨聞其言者莫不激揚吳諸案先生餘集有云吳中諸縣並起義兵自守而余以

母在獨屏居水鄉不出無夜不與陳君露坐水邊樹下仰視月色遙聞火礮云云是崑

崑守城事先生一不與謀故後得免於難至祖望結埼亭集先生神道表於是先生方

應崑山令楊永言之辟與嘉定諸生吳其沆及歸莊共起兵奉故郎撫王永祚以從夏

文忠公於吳江東授公兵部司務事既不克承言行遁去其流死之先生與歸莊幸得處又先生答原一公肅兩場書酸賈之陳詞慷慨尙記感洪

秋山

見詩注以詩首二字爲題

秋山復秋山秋雨連山殷

秋雨見下歸元句注

昨日戰江口今日戰山邊

史

侯峒曾傳附闕應元閏六月朔諸生許用倡言守城遠近應者數萬人典史陳明遇主兵用徽人邵康公爲將而前都司周瑞泊江口相犄角戰失利又沈猶龍傳閏六月吳淞總兵官吳自葵自海入江結水寨於泖湖會總兵官黃蜚擁千艘自無錫至與合猶龍乃偕里人李待問章簡等募壯士守城與二將相犄角而參將侯承祖守金山八月大清兵至二將敗於春申浦城遂

被圍未幾破猶龍待問簡等皆死

已聞右甄潰復見左拒殘

晉書周訪傳先人有奔人

之心使將軍李恆督左甄許朝督右甄左傳桓公五羊緊仲尼爲左拒芻史侯峒曾傳附朱樂遙南京既亡崑山議拒守而縣丞閻茂才已遣使迎降縣人共執殺茂才以六月望推舊將王佐才爲帥集瑛及周室瑜陶琰陳大任等共舉兵參將陳宏勛前知縣楊承言率壯士百人爲助大清兵至宏勛率舟師迎戰敗還游擊孫志尹戰沒城陷惟承言**旌旗埋地中**原注漢書李陵傳於是盡取旌旗及珍寶埋地中

一朝長平敗

更記趙世家趙括以軍降卒四十餘萬皆阨之王悔不聽趙豹之計故有長平之禍焉

伏尸徧岡

戰國策秦王謂唐睢曰伏尸百萬爾雅釋山山脊岡郭注謂山長者說文岡山小而銳吳越志吳既滿蘇州參將詹之興以三百人先登

斬齊門而入 大清兵匪騎於學宮侯其退擊之殲焉既而松江破陳子龍走嘉定陷侯峒曾死而崑山兵起死者四萬人又先是五月初七日以後居民聞王師已入南都紛紛移遁四鄉張浦葉霞安亭諸村鎮奸民乘機劫掠六月初七日豫親王遣刑部侍郎李延齡巡撫土圍寶統兵拉蘇新郡守王鎮發安民榜至崑山並取圖籍承言潛逃於泗橋陳宏勛家水利縣丞閻茂才納款十八日以茂才知縣事閻六月十一日薙髮令下茂才出示薙髮持刺謁縉紳城中大譁殺茂才焚縣治推舊痕山總兵官王佐才為主帥承言及宏勛等亦募兵數百名入城裏糧移檝為久守計七月初二日王師東下越二日縣西真義村兵出迎戰敗績初五日黎明王師渡濠初六日己刻下崑山城

北去三百舸舸好紅顏

嘉定屠城紀略婦女震隨者一見亂殺大家閨秀及其家婦女有美色皆生虜白晝宣淫不從者釘

其兩手於板仍逼淫之嘉定風俗雅重婦節慘死無數亂軍中姓氏不聞矣七月初六日成棟拘集民船裝載金帛子女及牛馬羊豕等物三百餘艘往婁東說文舸舟也駕子法言南楚江湘凡船大者謂之舸傳毅七激紅顏呈素

吳口擁囊駝

原注晉書慕容超載記使送吳口于人王蓋囊駝駝也一作駝駝往甫

哀王孫行東來 紫駝滿舊都

鳴笳入燕關

魏文帝與吳質書從者鳴笳以啟 路周伯琦野狐橫詩其陽接燕關

昔時鄔郢

人猶在城南

原注戰國策雍門司馬謂齊王曰鄔郢之大夫不欲為秦而在城南下者以百數

秋山復秋水

莊子秋水篇秋水時至百川灌河

秋花紅未已烈風吹山岡篝火來城

雨

雷烈風雷雨弗迷說文兵死及牛馬之血為奔奔鬼火也漢書度扶傳未嘗入城市

天狗下巫門

更記天官書天狗狀如大奔星行聲

其下止地類狗所墮及望之如火炎炎衝天其下則如數頃田處上兌者則有黃色
千里破軍殺將越絕書巫門外塚者閩閩之冰室也蘇州府志城池北曰齊門曰巫門
注引吳地記平門外東北三星
有殷賢臣巫咸墳亦曰巫門
白虹屬軍壘 辰信哀江南賦直
虹貫壘長星屬地
可憐壯哉縣

一旦生荆杞

使記陳平世家高帝南過曲逆上其城望見其屋室甚大曰壯哉縣吾行天下獨見洛陽真是耳阮籍既懷詩堂上生荆杞

歸

元賢大夫斷脰良家子

元賢大夫也而難為上矣戰國策有斷脰決腹一嘆

而為世不視明史侯峒曾傳七月三日大雨坡隅崩 大清兵入峒曾拜家廟翠二子
元漢元深竝沈於池黃鴻耀舉人張錫眉董用國諸生馮元調唐全昌夏雲蛟等
皆死之其時聚眾城守而死者有江陰閻應元崑山朱集瑛之屬應元字麗亭順天通
州人崇禎中為江陰典史 大清兵力攻城應元守甚固城中死傷無算八月二十一
日兵從祥符寺後城入眾猶巷戰男婦投池井皆滿陳明遇許用皆舉家自焚應元起
水被曳出死之訓導馮厚敦冠帶縊於明倫堂中書舍人戚勳令妻及子女子婦先縊
乃擊火自焚從死者二十人舉人夏維新諸生王華呂九韶自刎死鹿山城陷佐才冠
帶坐帥府被殺集瑛投東禪寺後河死門人孫道民張謙同日死至瑜璋大任亦死之
室瑜子朝璜大任子思翰皆同死時以守禦死者蘇達迨莊萬程陸世鏗陸雲將歸之
甲周復培陸彥冲代父死者沈徽憲朱國賦救母死者徐浩自盡者徐徽王在中吳行
貞史記李將軍傳
以其家子從軍
楚人固焚糜庶幾歆舊祀 原注左傳定公五年吳師居
親暴骨焉不能收又焚之不可子期曰圍亡
矣死者若有知也可以歆舊祀豈憚焚之
句踐棲山中國人能致死 史記
越句

賤世家句踐乃以餘兵五千人保棲於會稽乃苦
身焦思置膽於座右臥即仰膳飲食即嘗膽也
晉書桓石虔傳三軍歎思我思古人獨志隨
高亮傳此誠危急存亡之秋也自今以始

歎息思古人存亡自今始

句容王貞春煦堂彙核
清河王錫祺壽萱校業